

१०८

दर्ता नं.: ४८/२०७६/७७

पुर्खां दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् ११४३ चौला गा / २०८० बैशाख १५ / 2023 Apr. / ल्या: ८२, दौँ५

नेपाल टेलिकम प्रस्तुत गर्दछ

नागरिक नायक २०८०

CO-SPONSOR

Global IM Bank



ख्वास नगरपालिकाया

प्रमुख शुगिल प्रजापति जु

“नागरिक नायक २०८०” या सम्मानक्षमं

**ख्वप नगरपालिकां सरूवा जुयो महाप्रमुख प्रशासकीय
अधिकृत कृष्ण गिरी जु याता बिदाई (२०८० बैशाख ३ गते)**



**रूपाकोट मम्हुवागढी नपा डिक्टेल खोटाड्या शाखा
प्रमुख पुं ख्वप नगरपालिकाय् (२०८० बैशाख ७ गते)**



पिन्य् ब्वानिपुं ब्वनामिपिता भी थाय् सं ब्वक्यता विचः यायमः

च्वयया शिक्षा ब्वनयता प्याहाँ वानिपुं ब्वनामिपुं न्हिया न्हिथं अप्ययो च्वंगु दः । नेपः या शिक्षा बांला मजूगु नपां ब्वडः छु हे अवसर मदैगु खाँ तयो पिन्य॑ ब्वानिपुं ब्वनामिपुं म्हेगः स्वयो थाँ अपः जुजू वयो च्वंगु दः । थुगु आ.व. २०७९/८० या गुलाया दुनय् ब्वानिपुं ब्वनामिपुं च्यद्वम्हा थ्यंगु खाँ धायो च्वंगु दः ।

ब्वनामिपुं म्हवँ जुयो वांसेलि गुलिं कलेजत तिय मालिथे च्वनय् धुंकल । नेपालय सामुदायिक व निजी याड मुक्कं १४४० गू कलेजत चलय् याडः तःगु दः । व फुक्क कलेजय् थव नं हाँ हे मः छि ब्वनामिपुं भर्ना जुगु मरु । सचिष्ठम्हास्वयो म्हवचाजक ब्वनामिपुं दःगु कलेजत जक २१८ गू दः । ५३८ गू सामुदायिक कलेज मध्ये थुगु शैक्षिक सत्र निसें २१८ गू कलेजता मेगु नपां स्वाडः (मर्जयाडः) ब्वक्य् बिय् गु सरकारंकुतः याडः च्वंगु खाँ धायो च्वंगु दः ।

नेपालय ताँ ताँ कलेज चाय्कः च्वंगु दः सा ब्वनिपुं ब्वनामिपुं भन भन म्हवँ जुयो वाड च्वंगु दः । थाँ स्वयो डादा हाँतक सामूदायिक कलेजय् ब्वनिपुं मध्ये ३३ प्रतिशत (स्वीस्वब्ब) ब्वनामिपुं सामुदायिक कलेजय् भर्ना जुइसा अः म्हवँ जुयो २९ प्रतिशत (नीगुब्ब) खय् ब्वहँ वल जक धायो च्वंगु दः । नेपः या बजेटय् शिक्षाया निंति छखय् लिइकगु बजेट १ खर्ब ९६ अर्ब मध्ये उच्च शिक्षाया लागिं जक १० प्रतिशत खर्च जुई । अथे नं उकिं बांलागु लिच्चवः पिकाय् फःगु मरु ।

देशां देशिखय् अः १३ गू विश्वविद्यालय मध्ये हिंगू जक चाय्कः तःगु खानय् दः । उगु विश्वविद्यालयपाखय् गु कलेजत अः ब्वनामिपुं म्हवँ जुयो वांसेलि अथेयाय् थथेयाय् मदयो वाड च्वंगु दः । थथे छाय् जुलादक शिक्षाया टेक्का कायो च्वंपु मन्त्री, सचिव व शिक्षा विभागया पदाधिकारी पिन्के छतिं हे चिन्ता मरु ।

ब्वनामिपुं विदेशय् वानिगु धाय् गु हे भीगु कलेज व विश्वविद्यालयता ब्वनामिपुं व अभिभावकपिसं विश्वास मयागु धाय् मः । शिक्षाया दसिपौ कः सां उगु दसिपौ पाखां थाना ज्या दै धाय् गु विश्वास मयागु खः । थुकिया लागिं विश्वविद्यालय न्ह्याकि पुं कुलपति, उपकुलपति व प्राध्यापकपुं नं उलिहे जिम्मेवार खः ।

ब्वनामिपुं प्याहाँ वानिगुलिं कलेज चलय् मजुइगु जक मखु उकिं भीगु अर्थतन्त्रखय् बाँमलाक लिच्चवः नं लाकि । वांगु आ.व. खय् च्वयया शिक्षा ब्वनय् दक वांपु ब्वनामिपिन्गु मुक्कं दाया ल्याचा काथं ६७ अर्ब तक दां प्याहाँ वाना धायो तःगु दः । थव भारत बाहेकयाय् ल्या खः । व स्वयो थुगुसी भन अपः वानिगु खानय् दः ।

उच्च शिक्षा ब्वनयता वानिगुया हुनिमध्ये न्ह्यापांगु कलेज व मा.वि. तगिंखय् ब्वकिपुं गुलिं प्राध्यापक व मास्तरपिसं थःथः पुं ब्वनामिपिता थाना ब्वडां छुयाय् विदेशय् वांसा बांला धायो छ्वासा बियो च्वंगुलिं खः अजुपुं मनूत विदेशी कलेजया दलाल जुयो छ्वाय् नयो विदेशी कलेजया भजन हःजुगु खः । अपुं शिक्षकया खवः पा पुयो च्वंपु विदेशी दलालत खः । सरकारं अजगू ब्वनय् कुथि, कलेज व मास्तर, प्राध्यापकपिता ल्यतुमतु ल्ययो कार्वाही मयातलय् अजगू ज्या दिइ मखुनि ।


मेगु खाँ नेपालय विड्गु शिक्षा नेपः या लागिं मःपुं जनशक्ति ब्वलाकिगु मखुसें विदेशया निति तयार याइगु थें जक जुला दक शिक्षा विदपिसं धायो च्वंगु दः । थुकिया मू हूनि पाठ्यक्रम दय्किपुं, पाठ्यपुस्तक (साफू) च्वइपुं हे विदेशी तय्गु प्रभावय् लाडः च्वंपु व विदेशीया धेबा नयो च्वइपुं अमिपुं कतामारी थजपुं शिक्षाविदत खः। थुकिता हिइकः नेपः देता माया याइपुं शिक्षाविद पिन्ता च्वक्य् मः।

गुणस्तर ल्यंकः तय्ता व थःगु देशय् हे ज्या दय्के वियगु थजगु शिक्षा वियगुलि नेपाल सरकार व स्वापु दः पुं सकलसिनं बिचः याय् मः ।

पिकाक-ख्वप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु ध्वज्
थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com

सचिव लिपाया खप दे डंयदा लिपाया नेपः दे

- नारायणमान बिजुक्त्ते (रोहित)



छ न्हि थांगु छगू गम्भीर विषय
खः - सन् २०२५ तक ख्य भारतया जनसंख्या
थं मथं नेगू अरबति थ्यनि, उब्ले भारतया
नयगु-त्वनयगु नं नेदगुं हे मालि अलय उब्ले
वाता त्वनयगु ना: या तहांगु समस्या वई,
उकीसंन २०१२ तक ख्य नेपालय राजनैतिक
सङ्कट हयो वा थीथी सन्धी-सम्भैता याडः
नेपःया फुक्क खुसीत भारतं चा चा
हिइकःथःगु लाहातय लाकी। अथेहे
निजीकरणया नामय नेपःया फुक्क सार्वजनिक
व निजी तः तः हांगु उद्योग धन्दात, अलय
नेपःया वायुसेवा व पर्यटन उद्योग नपां
भारतीय एकाधिकार पुँजी लाहातय काई
उगु इलय नेपःया स्वतन्त्रता व सार्वभौमिकता
दःनि धःसां वा सिकिम व भुटान थे भीगु
देश नं जूसां थव हायेंपुगु खाँ जुइमखु।

खः, व धात्थे हे हायेंपुगु खाँ जुय
फैमखु, खाँ तस्कं पायेछि। न्हपा न्हपा दां
दां तक तोप, बन्दुक, बम व हतालं त्याक्य
मफूगु युद्ध 'प्रजातान्त्रिक आन्दोलन' नां या
कुट्टीति सोभियतसंघ व पूर्वी युरोपेली देशता
क्वचा क्वचा थयो धूधूमधू यार्थे पञ्चायत
या ३० दां स्वयो प्रजातन्त्र पुनः स्थापनाया

उदारीकरण व हिन्दवा दुनयया निजीकरणया
नामय मूमूगु फुक्क धायथे उद्योग धन्दात धू
याय धुक्कल, म्हेग कोशी व गण्डुकीख्य
ध्वँलागू खाँ ल्हाइगु खःसा थौ टनकपुर,
महाकाली सन्धी, लक्ष्मणपुर बाँध,
रसियावाल खुर्दलोटन बाँध, वागमती व
वक्राहाय नपां त्यल कायो च्वंगुया कष्टफयो
च्वन। छन्ह व फुक्क खुसीत नेपया लाहातं
लफ्यडः अमिगु लाहातय काई। लुफ्थान्सा
व थाई हवाईसेवा मवय धुक्कगुलिं नेपःया
वायुसेवा नं निजीकरणया नामय भारतीय
एकाधिकार पुँजी या लाहातय लःवानि।
अलय तः त. हांगु पाँचतारे होटेलय भारतीय
लाय छ्यली। नेपालय अर्थतन्त्र धायगु हे
ल्यनि मखु धायगु पीर कायो च्वंगु खः।

छां व पीर हाँगः मर्गु सिमार्थे धः
सा मखु। अलयथवयां धेबाया ख्वः पे मध्ये
छगूजक खः अथे धाय समस्याया छख्याया
किपा जब जुल थवहे हिदा हिन्दवा दुनय नेपः
या उत्तर पाखय्या जलाखाला दे चीनया
साँदेशे (तिब्बतय) रेल हई। नेपःनपां स्वाडः
च्वंगु फुक्क नाका नाकातक लाँ थ्यंक्य हई,
हुम्ला, मुगु, बाजुरा, कालिकोट, जुम्ला,
डोल्पा, मुस्ताड, मनाड, थजगु दुर्गम
जिल्लाय तब्यागु लां स्वाईसा गनां रञ्जु
मार्ग स्वाय है, गोख्ला, रसुवा, सिन्धुपाल्चोक,
दोलखा, सोलखुम्बु, संखुवासभा, ताप्लेजुड
थजगु गुलिं मोटर मथयंगु थासयन् यातायात
व सञ्चार थ्यनि।

उत्तरी भेगय मोटर न्ह्याक्य फःगु
धायगु उगु थाय्या विकास मथां जूगु खः
अलय छ नं स्यू उत्तरी भेगय सुविधात मर्गुलिं
छगू छगू दशक्य छगू छगूत्या प्रतिशत
जनसंख्या आनान दडः वाडः दक्षिण पाखय
च्वँ वाडः च्वंगु दः। उत्तरी लागा मन्

मर्गु थाय थे जुयो वगु दः। अलय तिब्बतया
विकासया लिच्चवलं दक्षिण पाखय च्वँ वांपुं
भीपुं जनसंख्या हकनं आना हे लिफतं पुलः
च्वँ वई। थौ कन्हे यें दे व मर्से (तराई) नपां
भारतय स्वयों अपलं दांकःचिनिया माल
सामान मियो च्वंगु दःसा उत्तरया जिल्लाय
नं लाँपु चःसेलिं उगु थाय्या उपभोक्तापिसं
नं तस्कं दांकः माल सामान छ्यलय खानी।
दक्षिणया चहःपहः व बनय ज्या उत्तरय नं
खानय दै।

पासा कृष्ण, सरकारी नोकरीया
इलय सरकार व च्वय च्वयया कर्मचारी
पिनिगु हेक्ला मिच्चययायगु दुर्घवहार छंक्य
छगूकाथं नकारात्मक दृष्टिकोण (बांमलागु
लिच्चवः) ब्लानय धुक्कगु खाँ छांगु पौ ब्लनय
धुकः जिं थुइका। खः, साधारण जनता व
राजनैतिक कार्यकर्तापिन्ता च्वय च्वयया नेहा
प्यम्हा मनू तयगु स्वार्थयाडः जुगु प्रशासनिक
दुर्घवहार व पक्षपात 'माओवादी' ता
अराजकतावादी याडः विलासा गुलि मर्यादाय
च्वडः च्वंपुं कर्मचारीपिन्ता सरकार, ऐन-
कानून व व्यवस्था स्वाडः हे निराशा जुयो
आस्था हे मद्यकः बिला। छ नं वहे गालय
दुन। अलय जिं न्हच हे धाय धुन वयां
किपाया छख्य जकया पाता जक खः।
फोहर मजुइक सुचुकुचु यायगु खाँ नं वै
मखु, शोषण मजुइक शोषण मर्गु समाजया
म्हगसनं खानी मखु अथेधाय अन्याय-
अत्याचार मजुइक विद्रोह व ऋक्निया खाँ नं
प्याहाँ वइमखु। न्ह्यागु थजुयो व्यू संसार
हज्याडः प्रगतिया लुखा चायकः हे हज्याई,
मानव सभ्यता थी थी थासय लुफिंहाडः,
त्वाथं चुयानि, नागबेली लाँ जुयो वाँ वाँ
थःमन थुइकः भिंकः बांलाक स्यल्लागु मानव

सचिष्ठत व्याग्रगु स्वप पौ. बःछि पौ(पाद्धिक)

समाज निः स्वानि । थौं कन्हेया मानव समाज लिपा: वयो साम्यवादी समाजय हे हिला वानितिनि । भीसं उकिया नां न्हयागु हे थ छु । अलय धात्येगु खाँ छुलय् धःसा अजगु समाज छन्हु खं धःसा दयके फैमखु । उकिया निंति 'छगू ऐतिहासिक युग' विड तिनी । छायधःसा संसारया महादेशत व देया विकासया ताकी हे उथें मगयं । समाजया उगु अवस्था थी थी राष्ट्रिय व अतराष्ट्रिय घटनाक्रमं याडः वा न्हूं न्हूं आविष्कारं याडः छन्हु न्हूं वा छन्हु लिपा मजुइ हे मखु छायधःसा बिजुलीया आविष्कारं गुलिनं याय् हे फैमखु धःगु वा तस्कं थाकु थाकुगु ज्या गथे अःपुक याता अलय् उत्पादनया ज्या मनय् मतयाथे अप्वयाता, अथे हे कम्प्यूटरया विकासं वा विज्ञान व प्रविधिया न्हूं न्हूं उपलब्धिं याडः मति हे मतयागु विकासया खवःपा भीसं थौं स्वयो च्वडा ।

छंगू नकारात्मक सोचं जःगु निराशावादी मिखालं नीदा-नीडादा लिपाया देशता छक स्वः । देया उत्तरीभेग भारतीय सेनाया तालिम केन्द्र जुई, भारतीय पुँजीपति वर्गया हायैंपुकय्गु थाय् व शिकार म्हेत वैगु थाय् जुई, नेपःदे भारतयाय् हे छगू न्हूं उपनिविशेया थाय् जुई, नेपः मिपुं भारतीय एकाधिकार लाय याय् हे दरवान, कुल्ली पिउन (च्यो - भवाति, ज्यामि) जुई नेपः या राष्ट्रिय पुँजीपतित भारतीय पूँजीपतिपिनिगु दया, मायाखय् म्वाय मालिपुंचिच्या चिच्या-हांपु खुद्रा पसया हिस्सेदार जुइतिनि । राष्ट्रिय राजनैतिक पार्टी तय्सं याडः : हे नेपः व नेपः मिपिनिगु अस्तित्व आर्यघाटय् जक तःम्हा विरामीया नुगःया सासथे जक घितिघिति च्वडः च्वनि ।

पासा कृष्ण, छंगू आमु तस्कं निराशावादी विचलय जि भ्या भातिहे सहमत मजुया । अलय महाकाली सन्धि, भूकुटी कागज कारखाना, बँसबारी छाला तथा जुत्ता कारखाना वा मेमेगु सार्वजनिक उद्योगत निजीकरणया नामय् विदेशीतय्ता लः ल्हागु लाउडा व चेंज एयर काण्डय् राष्ट्रिय

पार्टीतय्पुं नेतातनं दुथ्यागु, जलविद्युतया दकलय बांलागु सम्भावना दःगु भीगु देशय छगू युनिट्या न्ह्यर्का, चीनय छर्का, श्रीलङ्काय स्वर्का, बद्धगलादेशय प्यर्का व भुटानय् छम्हवँ छगू यूनिट्या स्थिति थ्यंकय्ता राष्ट्रिय पार्टीत हे जिम्मेवार खः । उकिं व राष्ट्रिय पार्टीत व उकिया नेतात थौं जनताया मिखालय नैतिकताया कठघराय् दडु : च्वंगु दः । उलिजक माखु दे भनभन क्वम्हयो वांगुलिं वं वयाता वंवयाता द्वपं व्यु व्यूं वयो च्वंगु दः । व फुक्क थः थः गु थासय् हे दः ।

छं नीडादा लिपाया नेपःदेता हाकु सुपायैंचां भुडः च्वंगु खाड च्वना, जिं धःसा ड्यदा लिपाया नेपः दे तस्कं चकांगु खाड च्वडा । छं पिब्वगु छगू छगू तथ्यता जिं सरकारी तथ्य तथ्यांडक्या लिधंसाय् दे बांलागु, चकांगु कन्हेया दिन खांक च्वडा ।

२००७ सालय् नेपालय् ड्यम्हाजक डाक्टर दतासा थौं कहें नेपालय् २६०० डाक्टरदः । थुकिंसियदः कि अःथ्यंमथ्यं गुद्धम्हा जनताता छम्हा डाक्टर थ्या । २००७ साल पाखय् १ लाख ७० हजार जनताता छम्हाजक डाक्टर दता ।

अःनेपालय् च्यागू गुगू मेडिकल कलेजत दः थ्यंमथ्ये व कलेजं दाच्छिया यसम्हा स्वयो अपः नेपः या डाक्टरत सेवाया निंति छ्वई अलेय् विदेशय् नं ब्वडः वपुं ड्यम्हा खुइम्हा डाक्टर तनं थुकि हे ताड - वै । मेडिकल कलेज तनं मेगु नं चाय्की । उगु इलय् नेपः या जनसंख्या प्यांगू करोड थ्यंसां भीकय् द्वछी मनूता छम्हा डाक्टर थ्याक्य् फै । थवनं अथें हे जुझगु वृद्धि जक खः इलं घ्वाडः यंकी बलय् भीथाय् द्विलम्हाखय् मखु डासम्हा मनूता छम्हा डाक्टर थ्याई तिनि ।

ड्यदा हाँ नेपालय् डागू-च्यागू जक अस्पताल दतासा अःभीकय् तहाँ-चिच्याहांगु याडः सच्छिव नीगू अस्पतालत दः । ५००० गू बिरामीया शैय्यात दः । थुकिनं अज मथां प्रगति मजुई मखु ।

डाक्टरत व अस्पतालत अपः दयो वैगु नपां स्वास्थ्य चेतनाता ध्यान बियो थौंया गुलिं स्वास्थ्य केन्द्रत अस्पतालय् हिङ्कः है अलय छगू छगू अञ्चलय् छगू अत्याधुनिक सुविधां जःगु स्तरीय अस्पतालत दै । उब्ले फुक्क ल्वगित यैं वा भारतया अस्पतालय वानय् मालि मखु ।

भोटं (तिब्बतं) उत्तरया जिल्लाय् लाँ व लायैं इरुथुरु जुय धुंकिगुलिं थौं या उत्तरया सदरमुकामजक मखु मेमेगु गाँ व बस्तीत नं सहर व बजारकाथं हिल वै । हुम्ला, मुगु, डोल्पा, कालिकोट, जुम्ला थजगु हेलिकप्टर व हवाइ जहाजं नसात्वसा ल्हययो यंकय् मःगु दुर्गम थासय् व गां-गामय् कृषि महा विद्यालयत व सिसाफल (फलफूल) व पशुपालन (वस्तुत लहिङ्गा) थाय् व अनुसन्धान संस्थानया थाय जुई अलय उगु जिल्लात थःगु तुतिख्य थः हे दानय् फै । जुम्लाय् च्वंगु थजगु व्यावसायिक ब्बनयकुथित जिल्ला जिल्लाय् पलिस्था याय् धुंकी । उकिमध्ये गुलि महाविद्यालय व पश्चिमाञ्चल विश्वविद्यालय काथं हज्याय धुंकी ।

लाँ यन्ये दयकलाकिं न्ह्याडु वैगु गनां बःवयो चुइकिगुनं जुय फःगुलिं गनां गनां मोटर वानिगु लाँया पलि रञ्जु मार्ग (रोपेवें) जिल्ला व गां स्वाई, गां गामय्या चिच्या चिच्या हांगु खुसीचां वा धःचलय् याय्ता गागु नाखं नपां विद्युत पिकःगु स्वय दैतिनि । गुकिं दे हज्याय्ता ग्वाहाली याई ।

छं हकनं धाय्फः भीपुं ५३ प्रतिशत जक आखः सःपु साक्षरत दताजक, ड्यदा खय् छु हे बांलागु ज्या याय् फै दक । अलय ड्यदा हाँ अथे धाय्गु २००७ सालय् २/४ प्रतिशत जक आखः सःपु साक्षर दता, थ्यंमथ्यं ३०० म्हा जक स्नातक अलय ४/५ म्हा जक इञ्जिनियरत दता । थौं ड्यदा लिपा भीकय् थ्यं मध्यं ३०० म्हा इञ्जिनियरत दता । १९/२० गू सरकारी व निजी इञ्जिनियरिड कलेजत दः, डागू विश्वविद्यालय नं दः, ५३ प्रतिशत जनता आखः सःपु साक्षर जुयधुक्कल ।

सरकारया नीति व ज्या भवः मिरवा पिइकेगु रेगु र्खाँ

विवेक

माओवादी या नायो प्रचण्ड न्ह्यलुवाया सरकारं २०७९
चैत्र २३ गते नीति व ज्याइवः पिब्लल। न्ह्यकतक सरकार पुनर्गठन
जुयानं नपां सरकार निः स्वानय्गु ज्या पुवांक्य् मफः। सरकारं
पिब्गु नीति व ज्या इवः छ्यलिगु खायँ जनतां विश्वास याडः च्वंगु
मरु।

नीति व ज्या इवः लिपालाक पिब्वम्हा सरकारं गथे ज्या
न्ह्याकी स्वय बाकी दःनि। प्रचण्ड सरकारया न्ह्यलुवा जुयवं है
धःगु खः - 'जिं म्हवचा नुवाय् ज्या अपः याय्' धात्यें धायगु खः सा
व नुवाइगु अपः ज्या म्हवचा याइम्हा नेता दक फुक्कसिनं मस्यूगु
मखु। तःकः हे प्रधानमन्त्री जुय धुक्सां वं जनताता भिं याता धाय्गु
छ्गु तक बालागु ज्या क्यनय्गु थाय् मरु। न्ह्याथय् याडः जूसां
सरकारय् वानय्गु वयागु छ्गु जक तातुना खः। विचः व सिद्धान्तता
पिंकः न्ह्याथय् याडः जूसां पदय् वानय्गु ज्याखय् ब्वाकः जुसेलिं
प्रचण्ड - भन-भन कवहँ वाडः च्वंगु खः। वं याडः हे राजनीतिक
इतिहासय् कम्युनिष्टत बाँमलाक बदनाम जुला।

सरकार निः स्वानय्गु पू वानय् धुकः खुलाया दुनय
नागरिकता ऐन पारित यागु, वहे इलय् प्रदेश प्रहरी समायोजनया
ज्या नं क्वचाय्केगु, विदेशय् च्वंपु नेपःमि पिनिगु मताधिकार सुनिश्चित
याय्ता मः काथंया ऐन दय्केगु थजगु बचं (प्रतिवद्वता) १३ पाना ता
हाकुगु नीति व कार्यक्रम निहाडः, तःगुदः।

भारतीय मूलया नागरिकपिन्ता नेपाली नागरिकता वियगु
तातुडः हःगु नागरिकता विधेयक प्रमाणित याय्ता उब्लेया राष्ट्रपति
विद्यादेवी भण्डारीं हस्ताक्षर मयासेलिं विधेयक पारित मज्गु खः।
माओवादी, नेका, एकीकृत समाजवादी नपांया समर्थनय् प्रतिनिधि
सभा व राष्ट्रिय सभां नेकतक पारित जुयानं उगु विधेयक राष्ट्रपति
भण्डारी सही मयासेलिं पारित जुय मफूत देया सार्वभौमिकताया
पक्ष दाडः च्वंम्हा राष्ट्रपति भण्डारीया नां इतिहासं लुमांकः च्वनि।
दे डांक अपलं विरोध जूसां भारतीय शासक दलता लय् ताय्केता
सरकारं खुलाया दुनयें नागरिकता विधेयक पारित याय्गु खाँ नीति
व ज्या इवः खय् न्हि थानय्गु दुःखया खाँ खः। हकनं छक
राष्ट्रघाती नागरिकता विधेयकया विरोधय जनता दाडः वयमःगु
अवस्था वय धुक्ल।

संघीयता छ्यःगु नं न्ह्यदा दत। अजनं सिंहदरवारय्
च्वनिपु नेता व मन्त्री तय्गु मतिई व चिन्तनय सद्धीयता मवनि।
संघीय प्रहरी प्रदेश प्रहरीखय् मिलय याय्गु खाँ संविधानं है धायो
च्वंगु विषय खः। थुगु खायँ प्रदेश सरकारं संघीय सरकारया
विरोधय् मुद्दानपां दर्ता याय धुक्गु दः। प्रहरी समायोजन याय्ता
संघीय सरकारता सुनं पाना ? थवनं हाँ न नेका नपांया गाथी चिडः

च्वंगु सरकार खः। अः न नेका- माओवादी गाथिया सरकारं
न्ह्यलुवा याडः च्वंगु दः। सरकारे च्वंतलय् ध्यान मतैगु, तःक वहे
जक खाँ ल्हाडः जनताता मिखा पिइकिगु नपां सरकारे ताई तक
च्वडः च्वनय्गु जालभेल व छलछाम मखुसें छु खः लय् ?

ज्या मः वानय्गु इवलय् थ्यं मथ्यं ७०/८० लाख नेपः मिपुं
विदेशय् वाडः च्वंगु दै धाय्गु अनुमान याडा गु दः। अः याय्म्हा
सरकारं व विदेशय् च्वडः च्वंपिन्ता नं मताधिकार वियगु ऐन
दय्केगु खाँ नीति व ज्या इवः खय् न्हि थाडः तगुदः। थव गुलि ज्यू
मज्यू धाय्गु छ्यलफल याडः जक हज्यासा बाला जुई।

दकलय न्हः पां विदेशय् च्वंपिन्ता नं मताधिकार व्यूसा
निर्वाचनय् अपलं खर्च याय् मालः थिक्य् जुई। मतपत्र, मसी,
बाकस, च्वसा न्यायता तक विदेशीतयके पवनय मालीम्हा नेपाल
सरकारता विदेशय् च्वडः च्वंपिन्ता नं मताधिकारया व्यवस्था या:
सा यक्व यक्व धेबामाली। उकिया लागि विदेशीतयके लाहा मफ सिं
मगा।

मेगु खाँ विदेशय् च्वडः च्वंपिन्ता नं मताधिकार बियगुया
अर्थ उम्मेदवार जुयगु अधिकार नं बियगु खः। छाय् धः सा मतदानया
अधिकार दयवं उम्मेदवार नं जुय दैगु नागरिकपिनिगु राजनीतिक
अधिकार खः। विदेशनं नपां उम्मेदवार जुय दैगु कानूनी व्यवस्था
दत धःसा मतदाता संख्याता कायो निर्वाचन क्षेत्र दय्के मालिगु
अवस्था वई अलय अःदय्क तःगु २४० निर्वाचन क्षेत्रता हकन लिप्यडः
(पुनरावलोकन) याडु स्वय मालि। १ लाख मतदाता बराबर छ्गु
निर्वाचन क्षेत्रया मापदण्ड दयकल धःसा नं म्हवचा नं ५० गू ६०गू
निर्वाचन क्षेत्र विदेशय् च्वंपु नेपः मि पिसं माला दक धाई। उगु
इलय् २०दा ३०दा विदेशीतय्गु सेवा याडु अपलं धनसम्पति मुनय
धुक्पुं धनाद्युत नेपःया राजनीति द्वाहँ वई। अमिसं नेपालया राजनीतिसं
विदेशीतय्गु हैकम पलिस्था याय्ता अपुकिगु लाँपु चाय्की। उगु
इलय् भीगु हे भोतं नेपः या राजनीतिता विदेशी क्वत्योवा दक सः
तय्गु थें जुई। धात्यें नेपः मिपिसं मति तःगु थथे हे खः ला ?

नीति व ज्या इवः सं शासक दलतय्गु पार्टी घोषणा-पत्रया
खः खानय् दय् मः गु खः। माओवादी-नेका नपांया घोषणापत्र
छखय् पाखय् दः सा नीति व ज्या इवः मेदखय्। खयां हिगूलया
ल्वाकबाक ब्वजां नीति व ज्या इवः नं ब्वजा हे जुगु जुयमः। थाना
नीति व ज्या इवः खय् दःगु शिक्षा व स्वास्थ्ययाय् खायँ जक नेगू
प्यगु खाँ ल्हाय् ताडा।

स्वास्थ्य

माओवादी निर्वाचन घोषणापत्र खय् छ्गु छ्गु पालिकाय्
मदयक मगागु आधारभूत अस्पतालत दय्केगु, दक्ष जनशक्तिया

व्यवस्था यायगु, फुक्क नागरिक पिन्ता विमाखय दुतिनयगु च्वयो तः
गु दःसा नेकाया घोषणापत्रखय् फुक्क पालिकाय् विशेष सुविधां जः
गु अस्पताल दयकेगु खाँ च्वयो तःगु दः।

अलय् व्यवहारय् पालिका स्तरय् दयकगु अस्पतालता न छुं
सुविधा वियगु मति दः न अस्पताल दयकेगु छुं कुतः हे याडः च्वंगु
दः। केपी ओली सरकारं अपल बय बय याड़ छन्हुं ३९६ अस्पतालया
निः स्वानयगु ज्यायागु थाँ छु जुयो च्वना ? सरकारं फःगु पालिकाय्
आर्थिक, प्राविधिक व उपकरणत ग्वाहाली याडः न्ह्याकः यंकय्
फःसा उकिं जनताता भिं याई। छगू पार्टी न्ह्याकगु ज्यायाता मेपिसं
स्वाड न्ह्याकः यंकय् मज्य धायगु नं दैला ? राणा शासक पिसं
दयक तकगु सिंहदरबार, बाघ दरबारे च्वडः शासन याइपिसं उकिया
ज्यायाता स्वाडः न्ह्याकः यंकगुता सुननं बाँमला धःगु मरु।

नीति व ज्या इवः खय् स्वास्थया खायँ छध्वः च्वयो तःगु
दः ‘फुक्क प्रदेशय् विशिष्टिकूत अस्पताल पलिस्था यायगु व चिनील्वय
क्यान्सर, ब्लडप्रेसर, इम, मृगौला, सेलाँ व मचा छँया सम्बन्धी
अःदःगु स्वयो सेवा तव्याक यंकयगु।’

व्यवहारय् अः फुक्क ज्या निजी लागाता च्वाथांकायगु ज्या
जुयो च्वंगु दः। सरकारी अस्पतालय मः कायंया जनशक्ति बियफःगु
मरु। स्वास्थय उपकरण त दः अलय व छ्यलिपुं जनशक्ति मरु।
करौडौतका दां फुक्क न्याडः हःगु स्वास्थय उपकरणत स्वथाडः
तःगु बुखाँत बराबर प्याहाँ वयो च्वंगु दः। जन्मव्यथा (दीर्घ रोगी)
जू पिन्ता लच्छिया डाढ्वतका अनुदान बियगु स्वयो धेबा म्वायकः
उपचार या:सा बिरामी पिन्ता भिंजुई। अनुदान निजी अस्पतालया
प्वा थानयगु ज्या जक जुला दक हाल च्वंगु दः। अजगु खायँ सरकारं
इलय हे विचः यायमः।

सरकारी अस्पतालता सुविधां जःगु दयकेगु निजी अस्पताल
नर्सिंड होमत सरकारं धमाधम स्वीकृत बियो च्वंगुदः। सरकारी
अस्पतालया डाक्टरत नपां द्यट्रीया इलय निजी अस्पतालय् वाडः
ज्या साड च्वंगु अपलं दसुत दः। थुकिया मूहनि चिकित्सा शिक्षा
ब्वंकय् ता यकव यकव थिकय् जुगुलिं नंखः। अपलं अपः धेबा “पुल
ब्वड वपुं चिकित्सकपिसं थःगु तूगु धेबा व मेहनत नपां स्वाडः कायगु
मति तै। अः स्वास्थयया लागा सेवा स्वयो व्यापारे हिल वांगुया
मूहनि मध्ये थव नं खः। थुकिया समस्या ज्यंकय् ता चिकित्सा शिक्षा
धेबा म्वायकः निःशुल्क यायमः। अथे धेबा म्वायकः ब्वंपुं मनूत
सरकारं छ्व थाय् वानय् तायार जुइ अलय विरामीया सेवा याई।
नीति व ज्या इवलय थजगु खाँ वयमःगु खः। अथेनं मवः।

बिमाया धेबा इलय हे मध्यगुलिं सरकारी वा स्थानीय
तहया अस्पतालं बिमाया सुविधा हे कायमखु धाय मःगु अवस्था
वयातं सरकार छाय् म्हतिइ धौ फिडः च्वना। अलय् फुक्क
नागरिकपिन्ता विमाखय् दुश्याकयगु खाँ सुनं पत्या याइगु ?

शिक्षा

नीति व ज्या इवः सं शिक्षाता जनताया पहुँचय दुनय्लाकय्
सामुदायिक शिक्षा धिसि लाकेगु निजीब्वनय् कुथि अभिभावकपिन्ता

सचिष्ठत च्यागूगु ख्वप पौ, बःछि पौ(पाद्धिक)

अपलं धेबाया भार कुमबिइकेगु खाँ न्हिथाडः तःगु दः।

नेपः या शिक्षा गथे च्वं धायगु खाँ यां विदेशय् ब्वँ वानिपिन्तु
लाइन (इवलं) धायो च्वंगु दः। वांगु आ.व सं भारत बाहेक मेगु देशय
ब्वँवांपिनि गु रेकर्ड १ लाख १४ द्वम्हा स्वयो अपः दःसा थुगु आर्थिक
वर्षय वांगु च्यालाय् द० द्व स्वयो अपः ब्वनामिपिसं एन ओसि लेटर
कःगु खाँ ल्याखं क्यडः तःगु दः। सरकारं १२ गू तगिं स्वयो
क्वययाय् पिन्ता विदेशय् ब्वंकय् छ्वय् मरु दक क्वः छिय मःगु
अवस्था वल।

नेपः या शिक्षाता जनतां विश्वास हे मयाडः हल। अपलं
सामुदायिक ब्वनयकुथि भिंगु, बांलागु शिक्षा बिय मफ। गुकिं
गरिबिपिसं नं फःसांमफूसां थिकयगु ब्वनयकुथि थः पुं सन्तानता
ब्वंकय् माल च्वंगु खाँ सकल सिनं थुगु खाँ हे खः। संविधान काथं
१२ गू तगिं तक धेबा पुलय् म्वायकः ब्वंकय् मः गु खः। थुगु खायँ
सरकारया ध्यान हे मवां। माओवारीं थःगु घोषणापत्रे १२ गू तगिं
तक धेबा पुलय् म्वायकः निःशुल्क व अनिवार्य शिक्षा वियगु नपां
सरकार पुवांक पलिस्था याय् धुंक खुलाया दुनय संघीय शिक्षा ऐन
हयगु प्रष्ट च्वयो तःगु दः। शिक्षाता निजीया लाहातय बियो तः
तलय सामुदायिक ब्वनय् कुथित सरकारं मतित सां बांलाकय् फैमखु।
सामुदायिक ब्वनयकुथि ब्वंकिपुं शिक्षक, पिनिगु इलय- व्यलय
अनुगमन, शिक्षक पिन्ता मः काथंया तालिम, विषयगत शिक्षक
पिनिगु व्यवस्था, इलय हे ब्वनामिपिन्ता पाठ्य पुस्तक थ्यंके ब्यूसा
सामुदायिक ब्वनयकुथि बांलाड वई। सामुदायिक ब्वनय् कुथि
बांलासा सुनं अभिभावक पिसं थिकयगु निजी स्कूलय ब्वंकि मखु।
नपां संघीय शिक्षा ऐन दां दां तक छ्यलय् मफूगुली जिम्मेवारी सु
? थुकियाय् खाँ सरकारं हे प्रष्ट याय् मः। १२ गू तगिं तकया फुक्क
अधिकार स्थानीय तहता संविधानं हे बियो तःगु दः। उकिं संघीय
शिक्षा ऐनं वस्वयो च्वयया शिक्षाया खायँ जक न्हिथाडः संविधान
काथं अधिकार दः म्हा स्थानीय तहता अभ ब्ललाक, भिंक :
यंकय् ता ऐनय् हे व्यवस्था याय् मः।

विद्यालयनिसें विश्वविद्यालयतक विज्ञान व प्रविधिया
अध्ययन व अनुसंधानया व्यवस्था याय् मः। उकिया लागिं म.गु
प्रयोगशालात, तालिमं जः पुं शिक्षकपुं पुर्वाधारत दयकः इलय
व्यलय् ब्वनयकुथि व कलेजया दथवी अनुसन्धानया विषयसं ब्वज्या
व धिधिंबल्ला याडः मन च्वजाय् कः फः सा अज बांला जुई।

सरकारं पिब्बइगु नीति व ज्या इवः जनताता नाखय्
मिखा कांकिगु पौ मजुयमः। जनतां तःक हे सरकारया सः व
घोषणापत्रखय् विश्वास याडः गालय दुड च्वनय् माल। उकिं
शासक दलपुं खाडः घचायो स्वतन्त्र उम्मेदवार पिन्ता त्याकः थःपुं
नेता तयता धुकीं क्यनय् धुंकगुलिं ज्ञान काय् मः। खाँ बत्ता जुयगु
पलिसा जनतानपां तप्यंक स्वापु दःगु शिक्षा, स्वास्थय, लाहातय ज्या
बियगु थजगु खायँ ध्यान तयो ज्या या: सा सरकारं जनताया मन
त्याकय् फै। मखुसा थव मंकः सरकार नं न्हपायायगु सरकार थे
वल वल फसिक्वा' जक ज्वी।

सचिष्ठ व्यागृगु ख्वप पौ. बःछि पौ(पाद्धिक)

पाकां सुयातःगु सः

कवि - पूर्ण वैद

पाकां सुयातःगु सः
मौनताया बिवि नःगु दुधाः
जि थः याकःचा हे
भयंकर कोलाहल -
छवःगु हवाइ जहाज दुनेया ।
तुति थःगु-
लंत नकिनय् तानाः यः खानातःगु क्वथाय्
छप्वा: म्हुतु -
न्हायं क्वखं यंकू देसय् ।
न्यने मज्यू जितः थः हे
मानौ जि थः हे
छगू असंख्य असामञ्जस्य भीड
कोलाहल !
बेपत्ता प्वायय्
तुनाच्वंगु छ्यँ
उकिं खइ,
छ्यनय् प्वा:स्याः जितः सदां ।
मचायेक बहः ततं हे तंगु न्हयपु
थःगु धाये ... बुझ पचय् ज्गु लाता जिन्दगी
सुथय् बहनिइ दयेमाःगु
जितः मगाःगु - ई
ल्हाः, तुति,
थः ल्यनाच्वना मिलापु-हाकुगु
सम्पूर्ण मि जुया नं
थःत फ्याये मफुगु
कपति स्वीकृति म्वायेगु !
ई बुइके मफुगु
बाभः घरी -
थव प्वकतं क्वथा
शून्यं जाःगु
लँ लुइकेगु कलमत
असंख्य भीडया गुँ दथुइ
जि, जि या याकः - जि !
विष्फोटन -पीडा सम्वेदनाया
जि एकान्त !

छ्यं च्वय् छचा, छम्ह आकाश !

निष्टु कांम्ह आकाश
जः मदुगु मत
(खिउँ बान्ता यानाच्वम्ह)
हाकु मत !

बः मिखा
खिउँ थव जाया: वयाच्वन थः दुने
तः लय् प्वा: गंगु नांचा,
उत्तेजित - उत्तेजित जि
थर्मामिटर दुने
थर्मस दुने
च्वापुया दुने केवल ।
बन्धित विवशत
बेहोशय् दनाच्वंगु शान्त
चुलुगु सुन्दर अंगया
मोहित भी बरफ !

बगरे बंजाः या
चाकलाःगु त्वाकलय्
लाफः पिइ
चिरर चिरर
सुलिइ तिया: मियातःगु लहरय्
भी बरफया जहानत
चुनां दां मूल्यत ।

बगरे चिच्चाहतं
जिगु म्हगस हवगनि
न्हायपनय् लाःगु गोलिं
जिगु न्हयलं थनी जितः हे
संकटकालिन, थव लिलामया दबुलिइ
सभ्यता बाः वयाच्वंगु
बजारया न्ह सतकय् ।

(सितु ४:२४:१०८८)

लँ त्वाहा ल्हायेगु वाखं

छन्हया दिने अबुम्हा छम्ह व वया हे काय् भाजु छम्ह पासा कया परदेशे ब्यापार या वनेन धका लँय् वना च्वन। ववं ववं इपिं छगू तजागु हे पहाडे चन्द्रागिरी थें धायमाल पारयाना वनेमागु लँ थ्यन। व तँ गया थहाँ ववं ववं कायम्ह ला चःति नाना वयेका पला हे न्हयाना वने मफूत। त्यानु चाया म्हाईपुस्से च्वना कायम्ह वने हे मफूत।

“लँ लथ्याय् ज्यू, बाबु। अले त्यानु चाई मखु” अबुम्हं धाल।

“गथे लँ त्वाल्हायेगु, मसः, बा” कायम्हं धाल।

“अथे जूसा छे वना छिमि कलायाके डयना स्व। आ छको छेनी ल्यहाँ बने।” छे थ्यसेंली कायम्हसिया कला नं डयन “काय् ल्याहाँ वया ?”

“खः, चन्द्रागिरी तँ गया च्वनाबले साप हे त्यानुया अबुयात धयाबले लँ लथ्यायमा धाल। लँ लथ्याय् मसः धयां छे कलायाके छको डयनास्व धका लित ब्वना हल।” कायम्हं धाल।

“छिपि मिजंतसे हे मस्यू जिपि मिसातसे गथे लँ त्वाल्हायेगु सिया च्वनि” कलाम्हं धाल।

“बा। कलातं मस्यू धाल” कायम्हं धाल। व खँ सिसेंलि बौम्ह व भमचित मतयेगु विचा यात। “ए भमचा। छिमि मां नं लँ लथ्यायेगु स्यना हये धया हल। का, छको थः छे वना लँ त्वाल्हायेगु छको स्यना वा।” ससः अबुं धाल।

अथे धासेलिं व भमचा पत्याजुया थः छे वना च्वन। लिपा सःतके हे मछोत अथे हे तया तल।

युखे, काय्यात मेम्ह मिसा छम्ह ब्याहा याना बिल। न्हापायाम्हासित मतसे हे छोत छन्हया दिने हाकनं न्हापाथे हे काय् व बौम्ह डिम्ह परदेशे वने धका ववं ववं वहे तँ थ्यंकः वल। अन थ्यंका बातंति गया वने धुंसेलिं कायम्ह न्हापा थें हे त्यानु चाय्का पला हे न्हयाना वने मफूत।

“का, छ वना लँ त्वाल्हायेगु गथे धका छको छे कलायाके डयना वा” धका वौ काय् निम्हं ल्यहाँ वल।

कायम्हं थः न्हम्ह कलायाके डयनास्वत। “जि मिसा जात नं लँ त्वाल्हायेगु गथेसि छुं हे मस्यू” धाल। इपिं छे तुं ल्यहाँ वल।

“का, छिमि वा नं छको छन्त वा धया हल। भमचा।”


धका बौम्हं भमचित धाल। भमचिया धाथे खैका धका थः छे वन वैतनं सतके हे मछोसे अथे हे मतसे छोत। अथे जुजुं दिन विते जुया वन।

खः बा। छम्ह मखु, निम्ह जुइ धुंकल, मतस्ये छोय धुंकल। लँ लथ्यायेसः पिं सुन दइ मखु छुयाय ?” कायम्ह अजू चाया धाल।

बौम्ह हाकनं मेम्ह हे मिसा छम्ह मातु माला चू लाका बिल। ४-६ दं बिते जुया वसेलि हाकनं काय् व बौम्हा डिम्हा व्यापार वनेगु धका अथे हे चन्द्रागिरी पहाडयागु लँ थाहाँ वना च्वंबले व बछिति थ्यंका कायम्ह पला न्हयाना वने मफूत।

“का, अथेसा छको वना छिमि कलायाके लँ लथ्यायेगु गथे धका डयनावा” धका कायम्ह छोत।

छे थ्यंका कायम्हं डयन “बा नं लँत्वा ल्हायेगु गथे धका डयनास्व धया हल।”



सचिष्ठ व्यागृगु ख्वप पौ. बःछि पौ(पाद्धिक)

“लँ त्वाल्हायेगु धयागुला बा न हे सिई छिं धायमफुला लँ लथ्याय् बाखं बानं कनाहीं धका धारे” कलाम्हं सल्लाह बिल ।

अनं सरासर वया हाकनं वहे थासे वया बौम्हसित धाल
“लँ त्वाल्हायगु बाखं बानं जक सि, बा न कनाही ।”

थव पायछी लिसः बिया हल धका बौम्हं “कास्व बाबु जिं लँ त्वाल्हायागु बाखं कना हय्” “बांलाक डयना यंकी” उलि धया बौम्हं वांवालागु बाखं कना यंकु यंकु थाहाँ वना च्वंबले काय्म्हसिया लँय् वनागु नं मचा, त्यानु नं मचा । लिपा जुजुं तँनं फोचाल, इपि ला पहाडया च्वय् थ्यना च्वंगु हे मचा: । “खला ? बाबु, आ तंनं मन्त, थवहे का लँ लथ्याय् धका बौम्हं धाल ।



अनंलि इपि ववं ववं थुजोगु छगु देशे थ्यन गनजा अनयाम्हा जुजुया अद्भूतगु देगः छगो दयेके माला च्वन । इपि निम्ह नं साप हे ज्या सःपि कलाकारत जुया च्वन । जुजुया थाय् खँ थ्यसेंलि इमित देगः दयेकेगु भाला बिल । इमिसं थुजोगु बांलागु ढाचां देगः दन कि तच्चोतं हे बांलागु जुया च्वन । जुजुया मती वन “थुपि कलाकारपि मेगु देशे वन धाःसा अवश्य नं थुमिसं हाकनं अथे हे वांलागु मेगु देगः दना विइ उकिं थुमित भिंगु देशे हे तया नका तये वरु थुमिगु ल्हा त्वा ल्हाना विईमालि ।”

अनयाम्ह मन्त्री थव खँ सिइका विचरातयेत बच्य् याय् लागि संक्षेप विल:-

“स्व कलाकारपि छिमिसं थव देगः सिधयेके मते, फुकं सिधयेकि गज् दयेकेगु ज्यावः ज्वना मवया धका तोह तया ज्याव कावने मानि धा मखुसा छिमिगु ल्हा त्वा ल्हाइगु ठीक गोसा याना तःगु दु ।

देगः फुकक तयार जुल, सिक्क हे बांलागु ढांचागु देगः तर गज् धासा मदु ।

“महाराज ! थव गज् दयेकेगु ज्याव छ्यें कया हये ।”

इमिसं राजायात विन्ति यात ।

अवश्य नं थुपि वनकि ल्याहाँ मवयेफु धका: मति तया “छिपी वने म्वाल, छिमिगु दे, थाय बांलक कना छो जिं मनू छोया कायके छोये” जुजुं हुकुम जुल । जुजुयागु हुकुम ला शिरोपर याय् हे माल । जुजुं छम्ह माहां छोया बिल । वैगु छे माला माला छे सीका खापा घारा घारा याना च्वन ।

“सु थें ? गनं वयागु ?” भमचां धाल ।

“खः छिमि हे ससः अबुं व भातं गज् दयेकेगु ज्यावः कायके हगु” माहानं धाल ।

“का ज्यू हुं दुने दुने च्वंगु कोठाय् तयातः गु दु, छिं हे वना का: भासं जिपि मिसात दुने वने मज्यू । छि हे वना कया हीं” व मिसां धाल ।

व माहांजुला दुने दुने ख्यूंगु कोठाय द्वाहां जक वन पिने ताः स्वताक गोया बिल । वरु द्यांलाका तये मज्यू धका धलिमे च्वंगु कोठा पौ लिक्या होखना अनहे वैत मा मागु जा के तरकारी तया नका तल । दिसा नं अनहे कोठाय् तुं च्वंका तल ज्वीमा । ४-६ न्ह धाधां ला बला दसेंलि धन्दा जुया वल । जुजु नं मन्त्रीया काय्यात हे ज्यावः कायके छोत । व मिसा सिक्क हे चलाकम्ह, कोठा चायका हूं दुनेयागु कोठाय् वना छिसं हे ज्यावः पित हया दिसँ” धाइगु खःका धका व मन्त्रीया काय दुहां जक वने लात पिने पाखे ध्याम्म खापातिना तालं गवया कुना बिल । वैतनं कोठा पौ होखना नकेगु नका तल । तन्ह दसेंलि व नं लिमथ्यं उकि जुजु थःहे काय्यात हे छोत । वैत नं व मिसां कोठाय् दुने लाका पिने तालं गवया नका तल ।

२-४ ला दयानं सुनं लि मथ्यंगु खना जुजुं अवश्य नं थुमिसं खं सीकल ज्वी धका सिइका धाल “का म्वाल । छिमिसं गज् दयकाव्यु मेथाय् देशे वंसां मेगु हे कथं जक दयकि धयागु वाचा कबूल ल्हाका गज् पूरा याना माक्को धाक्को दां असर्फि बिया लित छोत । छे थ्यसेंलि भमचां सत्कार याना थः भात व ससः अबु दुकाल । छाय् विस्तार जुल” धका डयन ।

“खः थन सुं वःला ?” ससः अबुम्हां डयन ।

“वःगुला दु । स्वम्हा मनू वःगु दु” भमचां धाल । अनंलि सरासर वना स्वंगु कोठायागु नं ताःखना बिल । जुजुया काय् मन्त्रीया काय महां नं बल्ल प्याहाँ वयेखन । फुकक खँ कंसेलि इमिसं नं भारी भव्ये नका विदा बिया छोत । इमिसं नं भमचित प्रशंसा याना धन्यवाद बिया वन ।

उलिचिया बाखं थुली ।

नेपःया पुलागु बाखं पाखं साभार

रजनीया साइनबोर्ड

- केशबलाल कर्मचारी आई. ए.

जन्म: ने. सं. १०४५, केलत्वा, कान्तिपुर

कृति: 'जि पिहाँ बने त्यल' बाखं मुना, 'हराएको सारी' (नेपाली भाषा), सर्वगुण सम्पन्न वाखं मुना, कथा, आदि ... राष्ट्रिय पंचायत सचिवालयया सहसचिव

छन्हु बहनी पुनीखुनुं यौवनयागु पिखालुख्वी दनाः तिमिला थें न्ह्यू ख्वा वोम्हा रजनी पृथ्वीपाखे स्वयाच्चन। अणु-अणु पट्टिकं दृष्टि तयाच्चन। "गुम्हेसिके पय्नं वंसा जी ?" धकाः गबले - पृथ्वी नं वय्थें वय्थें याइगु। व जोवनयागु उमंगे न्यासिचायाजूम्हा स्वां थें चुलिजाःगु जोवनं मातेजूगु मन ज्वनाः आखिरे पृथ्वी क्वाहाँ वयां तोतल। अले- अले "स्विके वंसा जी ?" धकाः जंगल, पाहाड, पर्वत, समुद्र, सहर, फुक्कबनं चाःहिल। यक्को चाःहिले धुकाः लिपा हुक्कन फाँटे बहनीसिगु बेलिबिलि याय् धुकाः बुँया दथ्वी बल्वाय् च्चनाः आनन्दं सोथ्याय् बभां त्वनाच्चवंस्हा ज्यापु छम्हेसिथाय् वनाः धाल - "व पृथ्वी आनन्दम्हा मनू सु दु ?"

गबले मवोम्हा रजनी थःगु न्ह्योने बोगु खनाः ज्यापु दाजुया स्वागत याय् हे लोमन। बजां सासां हे धाल - "जुजु दु का।"

"जुजुया छु यानाच्चन ज्वी थुगु टाइमे ?" रजनी न्यन।

"ऐश आरामे च्चवंच्चन ज्वीका।"

"वैत जि थें जाम्हा ल्यासे छम्हा यइला ?"

"ओहो, ल्यासे धाल धाय् वं जा म्वालका वैत। छ थें जाम्हा ल्यासे दसेलि वैत... !", ज्यापुं थम्हं मतिं खं थें धाल।

"अले ?", रजनीं हथाय् चाचां न्यन।

"घौँछि हे तोतीमखु छन्त।

"जि नं अजाम्हा हे मालागु खः।"

रजनी ब्बाव्वां जुजुयाथाय् वन।

"छः पि न्ह्याबले जिनाप जक भुले जुया च्चनेफुला ?"- रजनी न्यन।

"अथे जा गबले ज्वी- जि राजकाज स्वेम्वाला ?", जुजु जवाफ बिल।

रजनी फरक्क फहिलाः वन।

"ओ, ओ थन स्वः।"

रजनी वास्ता हे मयाः।

ज्यापुयाथाय् वयाः धाल- "गो, जुजुया जा फुर्सत मदु हैं ! मेरिं सुं दुला ?"

ज्यापुं महाजन छम्हा क्यनाविल।

रजनी महाजनयाथाय् वनाः न्यन- "छिं जिगु लागीं गुलि

घणटा बीफु- जि छिम्हा कलाः ज्वी।"

"जि थैतक्कसुं मिसातेत टाइम हे मविया धाःसां ज्यू। छ जिके वय्गु जूसा न्हिं अठार घणटा जक ज्या याय्का।"

रजनी फरक्क फहिलाः वन।

"चौबिसै घणटा छनाप भुले जुल धाय् व जिं कमेयाय्गु गब्ले सा !" रजनीयात लिफः स्वकाः वैगु ख्वाः छको जक स्वयत्त धाल।

रजनी लिफः हे मस्वसे वन।

रजनी ज्यापुयाथाय् वयाः धाल- "गो, महाजनया नं फुर्सत मदु हैं। मेरिं सुं दुला ?"

ज्यापु बिचाः यानाः मचा छम्हेसिथाय् छवयाबिल रजनी मचायात धाल - "जिनाप व्याहा: याय्ला ? तर चौबिसै घणटा जिनापं जक भुले जुया च्चनेमा: नि !"

मचां धाल - "जि हितेम्वा ला ! आखः ब्बनेमा :।

तःधिकः जुल धाय् व कमेयाय्माः।"

"हैं, फुर्सत मदु।"

रजनी फरक्क फहिलाः वन।

हानं ज्यापुयाथाय् वयाः धाल - "गो मचाया नं लिमलाः हैं, मेरिं सुं मदुला ?"

ज्यापु धाल- "जिमि बूढाम्हा बाज्यानापं च्चनेला ? वयाला छुं ज्या याय्म्वा :।"

"मयो, मयो जि, व्याहा: बिहा: यानाच्चने मखुत आः सीत्ये काः। ईश्वरयागु भजन जा याय्मफुब्ले व्याहा: याय्गु खैं। बरु छं हे या रे।" - बूढां दुनें नुवानाहल।"

रजनी प्रश्न सूचक दृष्टि ज्यापुयात स्वत।

"जि नं फुर्सत मदु। चौबिस घणटा छनाप भुले जुल धाय् व छन्त हे छु नकेगु जिं, जि हे छु नय्गु - कमेयासे ?"

थव खैं न्यने साथ रजनी फरक्क फहिलाः वन।

"ए रजनी, भचा आसे रे।"

रजनी वास्ता हे मयाः। थःगु छें ल्याहां वन। याकनं द्यो तुइल - अले भलमल्ल निभा: त्वल। रजनी बेपत्ता जुल।

"कमेयाय्म्वाम्हा सुं फुर्सत दुम्हा मनू दुसा

जि वनापं जीवन बितेयाय्गु इच्छा दु।"

ल्यासेम्हा रजनी।

थथे च्चयातःगु साइनबोर्ड छपाः बहनी - बहनी न्ह्याब्ले च्चें आकाशे रजनीयागु छें खायातःगु खनेदु।

'जि पिहाँ वने त्यल'

मांया ख्वः स्वयगु संस्कार दुनय दुवाला

आशा कुमार चिकंबरजार

संसारय् न्हयागुं देया न्हयागुं जातिया थजुयो ब्यू मां प्रतिया सदभाव माया, ममता म्हवः जुगू मर। अज धाय् न्हयामहां प्राणीया मां प्रतिया भक्ति तस्कं च्वजः। मां ‘खाँव’ मा अथे धाय् मूलमहा व्यक्ति काथं थुइके फः। थकय् दःगु लाय् ‘मा’ अलय् उकीं थवकगु छ्यैं, धाय् ल्वः, धात्यें मांया खाँवः दुवाल स्वयगु खःसा व सृष्टिकर्ता ख, जननी खः, धात्यें मांमरसा छूँ हे मर। उकीं वहे सृष्टिकर्ता भीता थुगु बँगवाराय् संसार क्यडः द्यूम्हा मां दकलय् च्वः जः। वया हःनय सगरमाथा च्वाप्प गुं नं कवथाई, समुन्द्र नं चिच्या जाई। उकीं हे धायो तः गु जुई ‘मा’ म्वाम्हा द्यो खः। माँ-ब्वाया सेवायासा जक पूण्यलाइ दक।

धायो तः काथं सुनं आध्यात्मवादया मिखालं द्योया रूप स्वयगु म्हागस खांकः च्वंबलय् द्योवं वयो धाला हँ जि फुक सिथाय् सदां वयो च्वनय् मफैगुलिं जिगु हे रूपय् माँ ब्वा याता छ्वयो ह्या मां ब्वाया सेवा हे जिगु सेवा खः। उकीं मां ब्वाया सेवायो जक धायो तकला दक लोकोक्ति थौं नं धायो च्वंगु दः नि। मां ब्वाया सेवा याइम्हा मनू काथं श्रवण कुमारया नां नं न्हि थानी। श्रवणकुमारया मां ब्वा नेम्हां मिखां मखांपुं जूगुलिं मां ब्वाया इच्छाकाथं श्रवण कुमारं क्वलहँख्यतयो कुबियो देश देशावरया तिर्थ चाहिइकय् यंकः च्वना छन्हू तिर्थय् चाहिकय् यंकय् इवलय् छगू धनधोर जडगलय् नं हःनय् वानय् इवलय् श्रवण कुमारया मां ब्वाया नाः त्वनय् इच्छा यात। उब्ले श्रवण कुमारं थः मां ब्वाता लायैं सं दिक थःधपचा छगः ज्वडः ना गना दः जक मः वान। वं जगलय् दथवी छगः तस्कं बालागु पुखु खान। वहे पुखुली नाः तुयगु इवलय् गःप चा दुडः नाः जायो वः बलय् भुरुरु सः वल। उगु इलय् अयोध्याया जुजु दशरथ सिकार वयो च्वंगु जुयो च्वना। वं व गपखय् नाः जायो जगु सः जडगली किसीया सः थैं ताय्कः इच्छा वाण कय्कल। अलय् व वाण श्रवणकुमारता लाडः ‘ऐया बाबा’ जक हः सेलिं जुजु थव छु अनर्थ जुला दक स्व व बलय् श्रवण कुमार छतपछि जुयो च्वंगु खान। आना वयो दशरथं वयाके फुक खाँ न्यंसेलिं श्रवण कुमारं प्राण त्याग यात। अलय् व हे नाः ज्वडः दशरथ श्रवण कुमारया मां ब्वा पिन्ता नाः त्वंकः वां बलय् थः काय् वगु मखु धायो छ सु दक न्यं बलय् दसरथ महाराजः खः कव जुक्व खाँ काडः माफी फ्वन। उगु खाँ श्रवण कुमारया मां ब्वा ख्व ख्वं, ख्व ख्वं ख्वविं पुखु जायो अमिगु ख्वबीया पुखु अन्धा अन्धी दह हे दत हँ। अलय अपुं जुजुता छ नं पुत्र शोकं सियमः दक श्राप बियो नेम्हां

सीगु खाँ पुराणय न्यनय् दः। उकीं मां ब्वा या सेवा याइपिन्ता अजनं श्रवण कुमार थैं जक धाय् गु या।

पुत्रशोक मां ब्वाया निंति दकलय तः हांगु पीडा खः। सामान्य अर्थय् मां ब्वाया सेवा नपां अन्येष्टिक काय् म्हायाय पिसं याइगु जुइ धाय् गु प्रकृतिया नियम काथं काई।

बुद्धया पालय् छम्हा मांया याकाकाय् सी स्यलिं बुद्धथाय वयो थः काय् म्वाकः ब्यू धायो लाय लाय् बुयो ख्वः सेलिं बुद्धं ज्यू जिं म्वाकः बिय अलय छगू सर्त तयो धायो दिल- ‘छम्हा हे मनू गुल्ले मसीगु छें नं जाकी छमना फवडः हका। वहे जाकी खं पुजा याडः म्वाकय् धःगु न्यडः व मां सहर बजार गां गामय् वडः बुद्धं धः थे छम्हा हे मासिगु छें दःला दक मः जू जू लुइके मफू सेलि वं थुइकल मनू छन्हू सीय हे मः न्हपा व लिपा धाय् गु थुइकः बुद्धया शरणे वगु खाँ दुनय् नं मांया अपार माया लुकुं बिडः च्वंगु थुइके मः। थः सीम्हा काय् म्वाकेगु गथे दक तक स्वइम्हा मांया नुगः गुलि पवित्र धाय् गु खाँ धायो च्वनय् माली मखुला।

मिसाया कचकचं थः बहीया मां याता स्याडः वयागु नुगः ज्वडः वा धायो मिसां धः सेलिं मिसाया कचकच न्यनय् गु स्वयो थः बहीम्हा मां याता स्याडः नुगः ज्वडः वगु इलय् मांया नुगलं बाबु लाँबाँमला, छ दैस, बुलुहुँ हुँ, धःगु न्यडः व मनू तस्कं दुःख ताल। वं थःगु कर्तुत थुइकः जोगी जुयो वांगु लोक बाखं दुनय नं अजपुं कपुतता नपां मामं यागु माया दुनय् मांया पवित्रया माया जः थैं थिडः च्वंगु सियदः।

मातृओैसी, अथे धाय् मांया ख्वः स्वयगुदि। थः ता थव बँगवाराय् मिखा कांकः ब्यूम्हा अलय् गुला प्वाथय् तयो अनेकदुःख कष्ट हण्डर नयो ब्वलांकम्हा मांया लुमांकय् गु नपां मां दः तलय् मां



सचिष्ठत व्याग्रगु ख्वप पौ. बःछि पौ(पाद्धिक)

याता योगु नसा नकः पुजा याय्गु व भिं उसाय॑ व ता आयुया कामना याइगु दिं मातृ औंसी । छम्हा साँजु व थौं खुनुया दिनय् मातातिर्थय् साँ ज्वः वाडः च्वबलय् मरुम्हा मां लुमांकः ख्वयो च्वगु इलय् व थःगु हःनय् च्वंगु दहचाय् थमनं यंकागु मारी तः छः बलय् वहे पुखुचाय् थः मां वयो नःगु व काय्म्हा नपां खाँ ल्हागु खाँ बुलुहँ छथाय् नं मेथाय् डाडः वाँ वाँ थौं खुनु आना मांया लुमन्ति म्वः ल्हू वानिपुं श्राद्धयो वानिपुं नं अपलं मरुगु मखु । मांया महिमा च्व मजःगु गुगुनं पुगा मरु चाहे व सन्त्युग, त्रेतायुग, द्वापर युग वा कलियुग हे थजुयमः मांया दुरु हे अमृत भा: पियो त्वडः ब्वलांपुं मचातय्सं मांयाता च्वछायो मांया श्रद्धायासे मांया नामं अनेक कृति नं पिथानी । अनेक ज्ञ याईं, दत्त तै । अलय् म्वातलय् नं अनेक तरह सेवा याइपिनिगु ल्या अजनं म्वहः मजूनि । उकीं त्रेतायुगय् भगवान रामं थः किजा लक्षण व विभिषणता धःगु खाँ अः नं उलि हे पाय्छि जूनी-जननी जन्मभूमिश्व स्वर्गादपि गरियसी' अथे धाय्गु थः ता बुइकम्हा मां व थः बुगु थाय् स्वर्ग स्वयो तः हाँ । थः मां बाँमलाता धायो खिचाया दुरु त्वं वानि मखु जक अर्थे धायो तःगु खै मखु ज्वी । मांया सद्भाव व असीम मायां धायो तःगु खः । उकीं धाय्गु याईं सीयता तःपु हे लाँ दः अलय् जन्म जुय्ता छपु हे जक लाँ दः व खः मां उकिं हे धःगु जुई 'मातृदेवः भवः' मां द्यो समान खः । सचिष्ठु गल्ती तपुयो नं जिपुता धायो माया याईम्हा मां हे जक खः । अथेनं सन्तान तय्सं थःगु लसता व इच्छा जक मामां थः मां बौया इच्छागुलि चफुयगु याईं अथेनं जिन्दगी दः तलय मन महिइकिपुं सुं दः सा मां बौ हे जक खः मखुसा म्हालिंचां रंग हिइकथे हिइकिपुं थाना म्हवँ मखु । धात्थे संधर्ष, व्यापार अलय संस्कार मां पाखं सय्की ल्यं दःगु दुनियां अर्थे हे स्यनि धाईं । न्हयाब्लें मिखालय् घाड तयगु थे बांलागु मां याय्गु किपा थे बांलागु मेगु किपा हे दै मखु । छाय्धः सा मां या ख्वः या नक्कल थःगु हे ख्वपा खः । मांया हिः थःगु हे हिगुली न्हयाडः च्वनि । उकिं मांया लुमन्ति नः ख्वयो ख्वबिं चुइके फै न हुयां हुय फै । गब्लें लुमन्तिया हुयो मवानिगु किपा मांयाय्गु, तुगलय स्वथाडः तःगु किपा जूगुलिं मां मदय धुक नं दुःखं क्य च्याक च्वनिगु हुनि वहे लुमन्तिया दिन त हे खः ।

मां दकलय् न्हः पांया गुरु नं खः । मुसुकक न्हयलय्गु निसें मचाता चुप्पा न नं, ताची ताची याक याकं मचासु पह, मचा खाँ नपां स्यनिम्हा मां हे भीम्हा न्हपांम्हा गुरु खः । छुं छक्व साग-भिंगु दःसा थः मचाता मथ्यासा थमनं नय म मरुगु खाँ न्हिथाडथमनं मनसिं थपुताया म्हूतिई तयो बिइम्हा मतिनाया भणडार मां हे खः । उकिं हे धायो तःगु जुयमः 'साँवा स्वयो ब्याज व्यारो' दक । थः मफूसा छुं मखु धाधां जुई थः पुतापुं मफुसा थाकु मधःसे न्ह्याँ मधसें गना वाडां जिई दक ब्वाक ब्वाक चिन्ता कायो जुइम्हा वहे मां । संसार न्हयाक्व हे बांलागु हाय्पुगु थजु अथेनं मां मरुगु जिन्दगी

सुनसान -सुनसान थे जुई । छाय् धःसा मांयाय्गु माया जक छुं हे सर्त मरुगु खः बाकी मेपिसं यां थगु स्वार्थ तयोजक माया याई । अलय् थः म्हा हितैषी पासां न मुलय् तयो न्हयलय् स्याई । मां जक थजम्हा मतिनाया धुकु खः थः मचातय्सं कन्हे छु याई धाय्गु हे बिचः मयासे मात्र बांलाम्हा सन्तान दय्केगुलि ब्वकः ब्वकः जुइम्हा खः । उकीं मां मरुसा थव संसार हे दै मखु । उकी मांयाता मातुओंसी खुनु ख्वः स्वयो जक मखु मां दतलय् माया सेवायाय्गु सकल काय् म्हयाय्या कर्तव्य खः ।

प्रकृतिया दसु बियो धाईं: 'माकचाय् प्वाथय् च्वंपुं मचातय्सं फुक्क ला नयो मांयाता नयो प्याहाँ वै' अथेनं मां नं थव संसारया छम्हा प्राणीया अस्तित्वया लागिं थः सिडः मंचातय्ता त्वः त तकी । मांम्हा भौ नं थःगु पि नयो, मचातय्ता भचा स्वं ल्हययो ब्वाम्हा भौ नं नय मफय्क ल्हययो म्वाकः तै । अथेहे ब्वाम्हा खराचां नकतिनि बुपुं मचात मनकय्ता थःगु साँ पुयो मचातय्ता तपुयो तै । थः ता गुलि स्याता धाय्गु स्वयो थः सन्तानया निति थःगु स्या लुमांकः छ्वै । अथेहे माडां ख्यै छै बलय् भाले डां नय मफय्क इवालय वाडः ख्यै छै । सीय धुम्हा मचा ज्वडः म्वाइगु आसय् उखे थुखे जुइम्हा माक्या माया अपार खः । थथे थव संसार मांया मतिनाया गाचां तपुयो मतःगु खः सा बाँझो मरुभूमि थे जुई । मां दतलय् जिन्दगी न्हयाब्लें वसन्तया स्वं हवगु जीवन थे बांलाई । हिसी दई । थः ता दुःख वइ बलय् भिष्मता थे गद्गा वयो समाधानया ताँ छुडः बिइम्हा मांया मनय् भ्या भाति हे पाप मरुम्हा सुं दः सा मां हे खः ।

उकिं मां मतकिं दाच्छितक दुरु मन्वसें मांया लुमन्ति बार याई । अलय थमनं त्वडागु मांया दुरुया त्यासा पुलागु मति मांया नामय् अनेक धर्म-कर्म, दान-पुण्य याई । अनेक परोपकारया ज्या यायां मांया नामय् कीर्तिं नं तर्ई । देगः दानी, फलचा दय्की, ल्वहैहिति हाय्की, तुथि म्हुई, ब्वडः दानी । अः वयो मांया निति छुं भाति म्हवँचा श्रद्धा याइपुनं खानय दयो वल । मां सम्मानया दे मिइपुं मांयाता वृद्धाश्रमय् वाय यंकिपुं मनूत नं खानय् दयो वसेलिं चन्द्रमा खय नं दाग दः धाय्थे समाजय् ल्वहैया नुगः दःपुं मनूत नं दयो वगु खाँ थुइके मः । पुँजीवादया पैं चुली जायो वसेलिं धेबाया निति न्हयागु नं याइपुं दयो वसेलिं समाजय् नैतिकताया सेतुया ताँ छुडः अत्याचारया मि स्याय्ता मांया सपूतपुं मवांसे मगा । गोकीया 'मां थे पाभेलया भिं ज्याखय् अलय् जक मां पुं दडः वै । मखुसा लेण्डुपत अः दाडः वयो च्वंगु दः । मांयाता मुसुकाय्कतय्ता मातुओंसी सं न्हूँग काथं बिचः याडः पला छिय फःसा पुराणया खाँ 'जननी जन्म भूमिश्व स्वर्गा दपि गरियसी' या मू खाँ सत्य जुयो म्वाडः ल्यडः च्वनि । मखुसा ब्वन, न्यन वान छुं हे अर्थ दैमखु । मांया गुब्लें इवः मजुइगु माया अर्थे अर्थे इवः जुयो वानि क्वहः जुयो वानि । सकल मां पिन्ता मातुओंसीया स्वमू देष्टाय् ।

ख्वप नगरपालिकाया ज्या भ्रवः त

ख्वपया ब्वनामिपुं कानून ब्वनय्ता पिनय जिल्लाय वानय् म्वल

चैत्र ३० जाते

ख्वप नगरपालिकाया प्रमुख सुनिल प्रजापतिजु नपां येँ महानगरपालिका बडा नं २२ या स्थानीयया मनूत भाष्यो नपालाय्गु इवलय् वयकपित्ता सांस्कृतिक नगरी लसकुस यासे नेपाल मजदुर किसान पार्टी ख्वपया शिक्षा च्वजाय्केता याडः वगु ज्या व अः ख्वप नगरपालिकां शिक्षा, स्वास्थ्य, सम्पदा ल्हवनय-कानय व सुचुकुचु ज्याइवः हछ्याड च्वंगु खाँ काडः दिल ।



नौमुले गाउँपालिकाया अध्यक्ष ख्वप नगरपालिकाय्

२०८० बैशाख १ जाते

ख्वप नगरपालिकाया प्रमुख सुनिल प्रजापति जु नपां नौमुले गाउँ- पालिकाया अध्यक्ष छवि सुवेदी नपा लः भाल ।

नपालाय्गु इवलय् प्रमुख प्रजापति जु ख्वप नगरपालिकां शिक्षा, स्वास्थ्य, संस्कृति व सम्पदा ल्हवनय कानय् याडः, जनताया सेवा याडः वयो च्वंगु खाँ ब्याकसे उगु ज्या विदेशीया ध्याछ धेबा है मकःसे जनताया गवाहाली व थःगु स्रोत साधनं याडागु खाँ ब्याक दिल ।

अध्यक्ष सुवेदीजु दैलेख जिल्लाया नौमुले गाउँपालिका २२८ वर्ग कि.मि. डाडः च्वंगु, २२ द्व जनसंख्या दःगु उगु पालिकाय् ४९ गू सामूदायिक ब्वनय् कुथित दःगु खाँ ब्याकसे उगु थासय् गाउँपालिकां टोल विकास समिति पाखं विकास निर्माणया ज्या याडः वयो च्वंगु खाँ काडः दिसे नेगूपालिकाया थः

ख्वप देता ज्ञान विज्ञानया मू थाय्, पर्यटकपुं छक मवसे मगागु थाय् काथं दय्कः सांस्कृतिक नगर क्वः छिक्यागु तातुडः ख्वप नगरपालिकां शिक्षा, स्वास्थ्य उपचार, संस्कृति, सम्पदा ल्यंकः म्वाकः तय्गु, कासा, सुचुकुचु व विकास निर्माणता अपलं बः बियो ज्या साडः वयो च्वंगु नपां ख्वप देता समाजवाद उन्मुख लाँपूर्झ हछ्याय्गु ज्याख्य नगरपालिकाया सकल पुचः हज्याडः च्वंगु खाँ ब्याकसे जनताया साथ व गवाहाली याडः न्हयागुनं ज्या अपुकः पूवांकय् फयागु खाँ ब्याकः दिल ।

ख्वप सर्कलया शिक्षा च्वजायो च्वंगु खाँ ब्याकसे थुगुसी निसे ख्वप कलेज अफ ल चाय्कः कानुन ब्वनय्ता ख्वपया ब्वनामिपुं जिल्लां प्याहाँ वानय् म्वलः वयकलं खाँ ब्याक दिल ।

अथेहे वडाध्यक्ष रविन्द्र ज्याख्व (९) जु ख्वपया बिस्का जात्राया बःचाहकलं खाँ काडः दिसे ख्वप देता नमूना नगरपालिका काथं हछ्याय्ता ज्या साडः च्वडागु खाँ काडः दिल ।

नपालाय् धुंक वयक पित्ता ख्वप नगरपलिकाया पिथनात भक्तपुर लय पौ व ख्वप पौ बः छिपौ उपहारकाथं, प्रमुख प्रजापति जु वियो दृग्गु खः ।



थःगु अनुभव, काल बिल नपां विकास, ज्याया बारे खाँ ब्याकगु ज्या इवः सं नौमुले गा.पा. या वडाध्यक्ष रुपेश कुमार थापा न भःगु जुल ।

सचिवत च्यागूगु ख्वप पौ. बःछि पौ(पाद्धिक)

जनवादी गणतन्त्र चीनया यिऊ नगरपालिकाया

उपप्रमुख वाडता ख्वप नगरपालिकाय लसकुस

ख्वप नगरपालिकाया प्रमुख सुनिल प्रजापति जु नपां जनवादी गणतन्त्र चीनया यिऊ नगरपालिकाया उप प्रमुख वाड वेईजु ख्वप नगरपालिकाया सभा कक्षसं वैशाख १ गते नपालाड दिसे खादा व तकातपूली पुइक लसकुस यासे प्रमुख प्रजापति जुं ऐतिहासिक कालय् निसें नेप: दे व चीनया दथ्वी भिंपुं जलाखाला व पासाया स्वापु द:गु



नपां तताकेहँया स्वापु द:गु चीनया स्वशासित सहर शान्तानपाखं कोभिड भवल्वय मपुङ्क: पाड: तय्ता ख्वप नगरपालिकापाखं चाय्क तःगु ख्वप अस्पतालता थी थी स्वास्थ्य उपकरण बियो ग्वाहाली यागु खाँ कुलदिसे चिनियाँ जनता व सरकारता सुभाय देछासे चीनया, ग्वाहाली लमांकसे चिनियाँ कम्पुनिष्ट पार्टी पाखं कोभिडया इलय नेमकिपाता एन ९५ मास्क व अक्सिजन कन्सन्ट्रेटर नपां स्वास्थ्य उपकरणत ब्यूगुलिं पार्टी देया थी थी अस्पतालय इड: बियागु

बिस्का जात्राया बैठक

बैशाख ४ गते

ख्वप नगरपालिकाया प्रमुख सुनिल प्रजापतिया नायो सुई बिस्का जात्राया खाँय बैशाख ५ गते भैलख: सालिगु जात्रा ल्वापु मजुइक, बालाक: हानय्ता सोमवार ख्वप नगरपालिकाया सभा कक्षसं सुरक्षा निकाय प्रमुखपुं नपां बैठक जुल ।



खाँकाड: दिल ।

चिनियाँ राष्ट्रिय जनकांगेस प्रमुख नपाँ चिनियाँ कम्पुनिस्ट पार्टी व सरकारया च्ययया तह्या पदाधिकारी पु नेप: दे व ख्वप दे चाहिल द्यूगुलिं मन हव: गु नपां हौसलां ज: गु खाँ व्याकसें थवनं लिपा नं: नेप: व चीनया स्वापु अभ क्वातझुगु विश्वास प्वंक: दिल ।

यिऊ नगरपालिकाया उपप्रमुख वाड जुं चीन स्वापु क्वातुक्यता तयार द:गु खाँ व्याकसे एशिया प्रशान्त क्षेत्रे स्थानीय तह्या दथ्वी मंकलं ज्या साड: समन्वयया पला हछ्याय्ता मथाहे यिऊ नगरे जुझु ब्यापार मेला सं ख्वप नगरपालिकाता हस्तकला उत्पादनया स्तल तयो बियादक: आग्रह याड: दिल । वयकलं चीनय् सौर्य उर्जा चलय् जुझु थी थी विद्युतीय साधनता हदाय तयो च्वांगु खाँ कुलदिसे यिऊ सहरय् नं विद्युतीय साधनता बिशेष महत्व काथं छ्यल: वयो च्वांगु खाँ कुल दिल ।

उगु ज्या इवःसं ख्वप नगरपालिकाया उप-प्रमुख रजनी जोशी, बडाध्यक्ष पु श्याम कृष्ण खत्री (१), हरिप्रसाद बासुकला (२), उकेश कवां (७), यिऊ नगरपालिकाया विदेश विभागया उपनिर्देशक याड वेई वेई, शाखा प्रमुख यी यु भी, यिऊ ट्याव ट्रेडिडया निर्देशक विष्णु प्रसाद दुमरु व यिऊ गाईट ट्रेडिडया निर्देशक राजकुमार खद्का पु भायो द्यूगु ख: ।

ज्या इवःसं प्रमुख सुनिल प्रजापति जुं उपप्रमुख वाडता ख्वपया लोकह्वागु म्हवय्याइयो व नगरपालिकाया पिथनात उपहार काथं ल: ल्हाड ब्यूगु ख: सा उप प्रमुख वाड जुं नगर प्रमुख प्रजापतिजु याता मतिनाया चिं ल: ल्हाड ब्यूगु ख: ।

सचिष्ठ व्याग्रगु ख्वप पौ. बःछि पौ(पादिक)

प्रमुख प्रशासकीय अधिकृत गिरी जुयाता विदाई

बैशाख ३ जाते

ख्वप नगरपालिकां मकवानपुरया थाहा नगरपालिकाय् सर्वा जुयो भःम्हा प्रमुख प्रशासकीय अधिकृत कृष्णगिरीता विदाइ नपां भिन्तुना देछासे प्रमुख सुनिल प्रजापति जुं स्वंम्हू, खादा व तकातपुली पुइकः विदा बियो दिल ।



वहे इवलय प्रमुख प्रजापति जुं सफल कार्यकाल नपां लस हांसे भिन्तुना देछायो ख्वप नगरपालिकाय् ज्या साडागु इलय्या लुमांकय् बहगु खाँत च्वयो, अनुभवत देया थी थी स्थानीय तहलय् भायबलय् थानाया अनुभवत काल बिल याःसा रवाहाली जुइगु विश्वास प्वकः दिल ।

कर्मचारी पिसं थःगु क्षमता व योग्यता काथं निःस्वार्थ व इमान्दारज्यो याय्गु है असल व इमान्दार कर्मचारीया म्हासिइका खः धायो दिसे वयकलं जनप्रतिनिधिपिसं दय्कगु नीति छ्यलय्ता

लाँपु क्यनय्गु ज्या इवः

बैशाख ५ जाते

ख्वप नगरपालिका, भक्तपुर पर्यटन विकास समिति व भक्तपुर स्थानीय पथ प्रदर्शक परिचालन समितिया रवसालय 'विश्व सम्पदा दिवशया लसताय नेपाल मजदुर किसान पार्टीया नायो भाजु नारायण मान बिजुक्छँ (रोहित) जुं च्वयो द्यूगु (सय वर्ष पछिको भक्तपुर) सचिष्ठदा लिपाया ख्वपदे साफ्या बारे लाँपु क्यनय्गु ज्या इवः बवचाल ।

प्रमुख प्रशासकीय अधिकृत गिरी जुं बालाक रवाहाली यागु खाँ ब्याकसे ख्वप नगरपालिकां खानय दयक वा मदयक अपलं जनताया सेवा याडः च्वंगु खाँ नपां थानाया ज्यासानिगु बिस्कं पहः या खाँ मेमेगु स्थानीय तहपाखं नं अध्ययन व अनुभव कालबिल मदिक्क न्ह्याडः तुं च्वंगु खाँ लुमांक दिल ।

ख्वप नगरपालिकाया उप प्रमुख रजनी जोशी जुं प्रमुख प्रशासकीय अधिकृत गिरी जुं थःगु कार्यक्षमता बालाक छ्यल: द्यूगु खाँ ब्याकसे ख्वपय नं सय्कगु ज्या खाँ मेथाय् नं छ्यलिगु व प्रचारयाईगु विश्वास प्वकः दिल ।

ज्या इवःयाता सम्बोधन यासे प्र. प्र. अ.गिरी जुं ख्वप नगरपालिकाय् थमनं ज्या साडागु हिंडालाया अनुभव काड दिसे ख्वपय् च्वडः ज्या सानय् दःगुलि गौरव अनुभव याडागु खाँ नपां थानानं सय्कागु व अनुभव देया मेमेगु थासय् वाडः नं कानय् थःगु कर्तव्य व दायित्व खः उकीं थुगु थासय् ज्यासाडागु जीवनय् गुब्लें लुमांकय् मफैगु काथं मनय् तयोतयागु खाँ काड दिल ।

ज्या इवः सं बडाध्यक्षपुं रविन्द्र ज्याख्व (९), उकेश कवां (७) व नेपाल नगरपालिका कर्मचारी एशोसियसन भक्तपुर नगरपालिका समितिया नायो गौतम प्रसाद लासिव जु पिसं न्ह्याथाय् है ज्या सांसां देश व जनताया सेवा अभ बालाक याईगु विश्वास प्वक दिल ।

बिदाई ज्या इवः सं ख्वप नगरपालिका कार्यपालिकाया दुजः पुं नपां शाखा उप शाखाया प्रमुखः पुं भःगु खःसा प्र.प्र. अ. गिरी जुयाता नगरपालिकाया पिथनात उपहार काथं लः ल्हाडः ब्यूगु जुल ।



सचिवत च्यागूगु ख्वप पौ. बःछि पौ(पाद्धिक)

ख्वप अस्पतालया सेवा

बैशाख ८ ज्ञते

ख्वप नगरपालिकापाखं चायकः तःगु ख्वप अस्पतालं आ.व. २०७९/८० या साउन १ गते निसें चैत मसान्त तक ख्य् ६४गू जिल्लाया १ लाख ६१ द्व व नेसम्हा ल्वगिपिन्ता स्वास्थ्य सेवा ब्यूगु जुल ।



२०७९ चैत्र मसान्तय् जक ३५ गू जिल्लाया १९ द्व व सचिवत च्यन्ह्यम्हा ल्वगिपिन्ता स्वास्थ्य सेवा ब्यूगुलि ख्वप जिल्लाया जक १९ द्व व गुस व हिंखुम्हा सिनं स्वास्थ्य सेवा कःगु खःसा आ.व.०७८/०७९ ख्य् ख्वप अस्पतालं मुकं १ लाख ७५ द्व व गुस व पीस्वम्हा बिरामीपिन्ता स्वास्थ्य उपचार सेवा ब्यूगु ख्वप अस्पताल सोतं धःगु दः ।

ख्वप अस्पतालय चायकः तःगु सामुदायिक आँखा उपचारकेन्द्रे आ.व. २०७९/८० या फागुन मसान्ततक ख्य् १९द्व व गुस व गुइ न्ह्यम्हा सिनं मिखा क्यँवगु खः सा डास व खुइनेम्हा सिनं

मोती बिन्दुया शल्यक्रिया याकगु जल । अथेहे छाती पुनः स्थापना केन्द्रे आ.व. २०७९/८० या च्यालाख्य् डास व गुइच्याम्हासिनं स्वास्थ्य उपचार याकगु खः सा आ.व. २०७९/८० या साउन निसें चैततक्ख्य् तहाङु-चिच्याहाङु याडः मुकं च्याद्व व च्यास व नीम्हा मनूसिनं अक्सिजन यंकगु जुल । ख्वप नगरबासी पिन्ता सितिकं अक्सिजन इड बियो च्वंगु थवहे आर्थिक वर्षया माघ ७ गते ख्वप नगरपालिकां जनरल एनेस्थेसिया बियो थाइराइड ग्रन्थीया शल्यक्रिया नपां मेजरअपरेशन नं यागु जुल । ख्वप नगरपालिकां १० गू तुं वडाय् छैं छैं नर्सिड सेवा ब्यू ब्यू वयो च्वंगु नपां ६ वडाय् नागरिक आरोग्य केन्द्र पाखं आयुर्वेदिक उपचार सेवा नं बियो वयो च्वंगु दः ।

ख्वपया जनताता अः पुक स्वास्थ्य सेवा बियता ख्वप नगरपालिकां २०३० साल निसें जनस्वास्थ्य सेवाकेन्द्रे चायकः वयो च्वंगु खः । जनताया भावना व इच्छाता च्वछायो उगु केन्द्रे विडगु उपचार सेवा ताँ तां यंकय्गु इवलय् ख्वप नगरपालिकां २०७८ बैशाख १८ गते निसें ख्वप अस्पताल कोभिड युनिट चायकगु खः सा २०७८ साउन १ गते निसें औपचारिक काथं ख्वप अस्पताल न्ह्याकगु खः । २०७८ जेठ २३ गते निसें वागमती प्रदेश स्वास्थ्य मन्त्रालयं १०० गू शैयाया अस्पताल काथं चायकः न्हिं ७५० स्वयो अपः विरामी पिन्ता चच्छि न्हिच्छी इमजेन्सी सेवा, ल्याब, एक्सरे, फार्मेसी सेवा नपां हाडजोर्नी व नशा ल्वय, इन्टरनल मेडिसिन सेवा, वाँया सेवा, जनरल सर्जरी, नुगः ल्वय, मानसिक ल्वय, मिसातय्गु ल्वय, छेँगु ल्वय, बालरोग, नाक-कान-घाँटी सेवा सम्बन्धी ओपिडी सेवा नपां न्ह्यान्हिथं खोप, परिवार नियोजन सेवा, फिजियोथेरापी सेवा त चायकः वयो च्वंगु दः ।

स्थलगत निरीक्षण

बैशाख ८ ज्ञते

ख्वप नगरपालिकाया प्रमुख सुनिल प्रजापति, प्रमुख जिल्ला अधिकारी खगोन्द्र प्रसाद रिजाल, सुरक्षा निकायया प्रमुखपुं बिस्का जात्राया द्यो स्वगं बिडगु जात्रा स्वः भाल । वहे इवलय् वयक पिसं बैशाख ५ गते भैलखः लुइगु लाँपू स्वयो दिसे ख्वप अस्पतालय् नं भायो दिल ।



सचिव च्यागृगु ख्वप पौ. बःछि पौ(पाद्धिक)

ख्वप नगर चायक, तःगु संग्रहालय

बैशाख ५ गते

विश्व सम्पदा दिवसया लसताय ख्वप नगरपालिकाया र्वसालय जन प्रतिनिधिपुं व कर्मचारी पिनिगु छगु प्रवचन ज्या भक्त्वःजुल ।



ज्या इवः सं ख्वप नगरपालिकाया प्रमुख सुनिल प्रजापति जुं पुरातात्त्विक नपां सांस्कृतिक सम्पदात अन्तर्राष्ट्रिय सम्पति खः धायोदिसे अजगु सम्पदाया थःगु हे मौलिक पहः ल्यंकः तय्गु सकल नागरिक पिनिगु मंकः ज्या खः धायोदिल ।

पुर्खा दय्कतकगु ख्वप देया सम्पदात गथे खः अथे हे याडः वहे पहलय ल्यंकः म्वाकः तय्ता ख्वप नगरपालिकां विशेष बःयाडः वयों च्वडागु खाँ ब्याकसे वयकलं ख्वप नगर चायकः तःगु संग्रहालय खः धायोदिल ।

ख्वप देता म्वाडः च्वंगु सहरथे याडः तय्गु कुतः जुयो च्वंगु खाँ ब्याकसे वयकलं ख्वप नगरपालिकां आ.व. २०७९/ द० ख्येजक १४ गू सम्पदात ल्हवनय्- कानय् याय् धुकंगु, अजनं अपलं सम्पदात दानय्गु ज्या जूयो च्वंगु खाँ ब्याकसे वयकलं ख्वपं नगरपालिकां ९२ गू ब्बवनयकुथि स्थानीय पाठ्यक्रम दयकः ख्वप नगरया कला, संस्कृति सम्पदा, भायया बारे ब्वकं वयागु खाँ नं काडः दिल ।

उप-प्रमुख रजनी जोशी ख्वप नगरपालिकां न्हाडः वानय्तांगु सम्पदात ल्यंकः म्वाकः तय्गु व न्हाडः वांगु सम्पदात लुयो वगु प्रमाणया लिधंसाय मुलः सुरक्षित तय्गु नपां विदेशीया धेबा मकःसि जनताया र्वाहालीं सम्पदात ल्हवडः वयागु ख्वपया

विशेषता खः धायोदिसे स्वनिगःया मौलिक जीवन शैली, कला, संस्कृति, भाषा, संस्कार, सीप, नसात्वसाया विषय ल्यंकः म्वाकः तय्गु भक्त्वी फुक्क सिया मंकः ज्या खः धायोदिसे थन्थु दरवार दानय्गु ज्या हज्याक च्वडागु खाँ काडः दिल ।

ख्वप नगरपालिकाया निमित्त प्रमुख प्रशासकीय अधिकृत राम गोविन्द श्रेष्ठ सचिवदा लिपाया ख्वप दे' साफूया खाँ कुल दिसे ख्वप देता अभ सभ्य सुसंस्कृतयाय्ता सकले हज्याय् मः धायोदिल ।

नेपाल कर्मचारी एशोसियसन एकाइ समितिया नायो गौतम प्रसाद लासिवं विश्व सम्पदा दिवस दायेँदाये�ँ पतिकं अप्रिल १८ खुनुं डाय्किगु खाँ ब्याकसे ख्वप नगरपालिकां पर्यटन पाखं वगु आम्दानी खं शिक्षा, स्वास्थ्य, सम्पदा ल्हवनय् कानय्ख्यें छ्यलः वयो च्वंगु खाँ ब्याकः दिल ।

ज्या इवःसं नक्सा उपशाखाया ई. विश्वनाथ सुजखु व योजना प्राविधिक शाखाया आर्किटेक दिल भूत्त जयनां विश्व सम्पदा सूचीख्य् नां जायो च्वंगु सम्पदातय्गु अवस्था सम्पदा संरक्षणया इतिहास व ख्वप नगरपालिकाया भवन निर्माण मापदण्डया प्रस्तुतीकरण याडः दिल ।

ज्या इवः सं वडा नं ९ या वडाध्यक्ष रबिन्द्र ज्याख्वं न न्वचु तयो द्यूगु खः ।

बिस्का जात्राया इवलय् २०८० बैशाख ४ गते द्योस्तगं बियगु व लः छ्यायगु जात्रा जुल ।



सचिव व्याग्रगु खप पौ. बःछि पौ(पाद्धिक)

उदारीकरणया सरकार आर्थिक रूपं कमजोर जुइगु

वैशाख ६ जाते

खप नगरपालिकाया प्रमुख सुनिल प्रजापति जु नेका न्यलवाया सरकार आर्थिक उदारीकरण या नीति हयो निजी क्षेत्र बल्लाक सेलि सरकार आर्थिक रूपं कमजोर जुयो वांगु खाँ काडः दिल ।



खप नगरपालिका वडा नं ६ या ग्रामसालय विकास निर्माण व समसामयिक विषयसं जूगु ज्या इवः सं प्रमुख प्रजापति जु देया उद्योग धन्दात खाखचा मूलं मियो ल्यासे ल्याम्हो पिन्ता विदेशय् ज्या यो वानय् माय्कगु खाँ कुल दिसे ल्यासे ल्याम्होपु विदेशय छ्व्यवं क्रान्ति

रुपाकोट मझुवागढी नगरपालिका, दिक्टेल खोटाड्या शाखा प्रमुख कर्मचारीपूँ खप नगरपालिकाय्

वैशाख ७ जाते

खोटाड जिल्लामा रुपाकोट मझुवागढी नगरपालिका या कार्यक्रम अधिकृत नपां गुम्हा थी थी शाखाया प्रमुख कर्मचारी नपां छां पुचः विहिवार खप नगरपालिकाय् स्वः भः पिसं खप नगरपालिका प्रमुख सुनिल प्रजापति जु याता नं नपा लाडः दिल ।

नपालाय् इवलय नगर प्रमुख प्रजापति जु खप नगरपालिकाया बःचा हाकलं म्हासिइका पिब्ययो दिसे २०७४ सालया स्थानीय तहया निर्वाचनं त्याकः वय, घुडानि नेमकिपाया घोषणापत्र व पार्टिया निर्देशन काथं खप नगरपालिकां निःस्वार्थ रूपं देश व जनताया सेवा याडः वयागु खाँ काडः दिल ।

वयकलं खप नगरपालिकां शिक्षा, स्वास्थ्य व सम्पदा ल्यकः स्वाकः तय्गु ज्या ख्य् हज्याडः च्वंगु नपां खप नगरपालिकां थमनं हे च्यागु कलेजत चाय्कः वयो च्वंगु १०० गू शैय्याया अस्पताल चाय्क शिक्षा व स्वास्थ्य लागाय् सर्वसाधारण मनूत तय्सं नं काय् फैगु काथं या स्थानीय तह काथं हछ्याडः च्वडागु खाँ व्याकः दिल ।

नपा लाय्गु इवलय रुपाकोट मझुवागढी नगरपालिकाया महिला वालबालिका शाखा प्रमुख मिना श्रेष्ठ खप नगरपालिकां यागु लुमुगु लसकुसता आभार प्वकसे महिला वालबालिकाया लागाय्

मजुइ मखु धायो दिल ।

वयकलं किसानतय्ता मःगू देसी सः तक बिय मफूम्हा सरकार कयआशा यायगु बेकार खः धायोदिसे माओवार्दी जातीय नारा थ्वकगुलिं अः कोसी प्रदेशय् अशान्ति जुयो च्वंगु खाँ कुल दिसे माओवार्दी दे भन भन कमजोर याय्ता सिइकं सिइकं यागु खः धायो दिल ।

नगरपालिकां न्ह्याकागु देको मिबा आवास योजनास तेम्हा प्यम्हा चित्र बुझ्य मजुपु बुँ थुवः त नपां छलफल याडः च्वडागु खाँ नं वयकलं व्याकः दिल ।

नेपाल क्रान्तिकारी किसान संघया केन्द्रीय न्वकु गोविन्द दुवालं पुँजीवादं ज्या साडः नैपिनिगु भिं मयाइगु खाँ काडः दिल ।

खप नगरपालिका ६ नेमकिपा समितिपाखं गोपीकृष्ण चांगुभारी आवास योजना भिंगु ज्या खं यागुलिं सुननं पंगः थानय् मज्य धायोदिल ।

खप नगरपालिका कार्यपालिकाया दुजः रोशन मैर्याँ सुवालं पश्चिमाञ्चलया जनताक्य् राजनीतिक चेतना म्हवं जूगु थः आना वाडा बलय्या अनुभव काडः दिलसा वडाध्यक (६) नपां सभाया नायो हरि राम सुवालं थःगु वडाया विकास निर्माणया ज्या काडः दिल ।



नगरपालिकां याडः च्वंगु ज्या व फोहर थासप् लाकय्गु ज्याया खाँ थुइकः दिल । उगु इवलय खप नगरपालिका व रुपाकोट मझुवागढी नगरपालिकाया कर्मचारीत नपा लाय्गु ज्या जुल । उगु ज्या इवः सं शिक्षा, स्वास्थ्य सम्पदा ल्यकः स्वाकः तय्गु, विकास निर्माणया थी थी खाँत जुल ।

प्रमुख प्रजापति जु नगरपालिकाया पिथनात उपहार काथं लःल्हाडः दिलसा निमित्त प्रमुख प्रशासकीय अधिकृत राम गोविन्द श्रेष्ठ उगु पुचःता खादा व तका तपुली पुइक लसकुल याडः दिल सा प्रमुख प्रजापति जु याता मझुवागढी नगरपालिका पाखं कार्यक्रम अधिकृत रामबहादुर खत्री मतिनाया चिं लःल्हाडः दिल ।

सचिव च्यागूगु ख्वप पौ. बःछि पौ(पाक्षिक)

विश्व सम्पदाया धलः ख्य् नां जःगु सम्पदा स्वयो पर्यटकपुं लुदां

बैशाख ८ ज्ञते

ख्वप नगरपालिका पाखं चाय्क तःगु ख्वप इज्जनियरिड कलेज व ख्वप कलेज अफ इज्जनियरिड या मंकः रवसालय ज्गु छन्हया 2nd National Conference of Trend in Architecture Nepal या ज्या इवः शुक्रवार इज्जनियरिड कलेजया हन्य् कलेज सञ्चालक समितिया नायो नपां ख्वप



नगरपालिकाया प्रमुख सुनिल प्रजापति जुं उलेज्या याडः दिल । विश्व सम्पदा दिवसया लसताय जुगु उगु ज्या इवः सं प्रमुख प्रजापति जुं ख्वपं नगरपालिकां चाय्कः तःगु थी थी कलेजतय्गु थी थी विषय सं यागु राष्ट्रिय व अन्तर्राष्ट्रिय सम्मेलनं अध्ययन अनुसन्धानय् अपलं

आ.व. २०७९/८० सं ख्वपय् पर्यटकपुं अपलं स्वः वल

ख्वप दे चाह्यू व पुं विदेशी पर्यटकपिण्डि ल्या न्हिया न्हिथं अप्वयो वयो च्वाङु दः । न्हाँगु वर्ष २०८० या न्हाँगु दिनसं ख्वप देशय् देशं दुनयैं व देशं पिनयया पर्यटकपुं च्वनेथाय् हे मदयकः धाय्यैं याडः हे वगु जुल ।

आ.व. २०७९/८० या साउन निसें चैत्र (गुलाया दुनय) मुक्कं १ लाख व हिंखुद्व व हिन्यम्हा पर्यटकपिण्डि ख्वप दे चाह्यू वगु खः । गुकी ६७ द्व व न्हय्सम्हा गैर सार्कः पीगुद्व व सच्छि व हिन्यम्हा (सार्क राष्ट्र व चीनया) पर्यटकपुं वगु खः ।

गत आ.व. स्वयो गुलाया दुनयैं ९३, ६४५ म्हा, गैर सार्क ५६, २६० म्हा व सार्क राष्ट्र व चीनया पर्यटक पुं ३७, ३८५ म्हा पर्यटकपुं अपः चाह्यू खः गू व ११ करोड १४ लाख स्वीछद्व व डास तका तियाय् पर्यटन शुल्क अपः आमदानी ज्गु खः ।

थुगु आर्थिक वर्षय पर्यटन शुल्कं जक १३ करोड ४४ लाख व डग्डाद्व तका मुनय् फःगु खः । गुकी गैर सार्क पर्यटक पाखं १०

रवाहाली ज्गु खाँ ब्याकसे स्वनिगः या विश्व सम्पदाया धलः ख्य् नां जःगु यैं, यल व ख्वपया लायकू चाँगुनारायण, स्वयम्भू थजगु सम्पदात भीगु सांस्कृतिक धरोहर खः धायो दिसे नेपाले दःगु सांस्कृतिक, धार्मिक व प्राकृतिक रूपं लोकहवागु थाय् व सम्पदात पर्यटकपिण्डा मन रवसाय्क क्यनय् फैगुलिं थव धिसिलागु लिधंसा खः धायो दिल ।

ख्वप दे सांस्कृतिक नगर, नाचगानया राजधानी, म्वाडः च्वाङु संग्रहालयया थी थी नामं नांदाडः च्वाङु नगर खः धायोदिसे वयकलं ख्वप नगरपालिकां ख्वपया लिच्छवीकालीन व मल्लकालया न्हाडः वान्य तांगु सम्पदात ल्यकः म्वाकः न्हाडः मदयो वान्य धुकंगु सम्पदात लुयो वगु प्रमाणया लिधंसाय मुलः, ल्यक म्वाकः तय्गु ज्या याडः च्वाङु खाँ कुल दिल ।

उगु ज्या इवः सं ख्वप इज्जनियरिड कलेजया प्राचार्य सुजन माकं विश्व सम्पदा दिवसया लसताय ख्वप इज्जनियरिड कलेजया व ख्वप कलेज अफ इज्जनियरिड कलेज सम्पदाया महत्वया खायैं सम्मेलनया गवसः गवयागु खाँ ब्याकसे कलेजया तातुना पुवांक्यगु लाँपुइ हज्याडः च्वडागु खाँ ब्याक दिल ।

कार्यक्रमया औपचारिक उलेज्यालिपा ख्वप नगरपालिकाया उपप्रमुख एवम् आर्किटेक्ट रजनी जोर्शी key store Address याड द्यगु खः । सम्मेलनय् १५ गू विषयसं ब्वतिकः पिसं कार्यपत्र पिब्वगु खः ।


करोड ९८ लाख गुडगुद्व व सार्क राष्ट्र व चीनया पर्यटकपाखं २ करोड ४५ लाख डग्डाद्व पर्यटन शुल्क आमदानी ज्गु खः ।
वांगु आर्थिक वर्ष २०७८/७९ या ल्याचा स्वयो साउन निसें

चैततकया दुनयँ मुक्कं नीस्वद्व व खुइन्हयम्हा पर्यटकपिसं ख्वप दे चाहयू भःगु खः । गुद्व गैरसार्कया हिंछद्व व प्पस व पीम्हा व सार्क राष्ट्र व चीनया हिंछद्व व न्हयस व नीन्हयम्हा पर्यटक पिसं ख्वपदे चाहयू ख्यडः तः गु दः । आ.व. ०७८/०७९ सं मुक्कनेगू करोड स्वीगु लाख व नीस्वद्व व डास तका पर्यटक शुल्क पाखं दां मुन्हय फःगु खः ।



ख्वप नगरपालिकां १ जनवरी २०२३ निसें डुलरया विदेशी विनिमय दर नपां मिलय याडः गैर सार्क पर्यटक पिन्के ने.रु. १५०० तका कायो च्वंगुलि १८०० तका कायगु खाँ क्व छिडः कायो च्वंगु दः ।

ख्वप नगरपालिकाय् पर्यटक पिन्के कःगु शुल्कं ख्वप देया सम्पदा ल्यंकः स्वाकः, तयगु शिक्षा, स्वास्थ्य, सुचुकुचु, विकास निर्माणया ज्या नपां जनताया आधारभूत आवश्यकता पूवांकः च्वंगु दः ।

ख्वप नगरपालिकाय् अःनिं डास - खुसम्हा ति पर्यटकपुं ख्वपया ऐतिहासिक सम्पदा लागाय् वयो च्वंगु ल्या खान्हय् दः । हलिमय ब्याकः डाडः पुडः वगु कोरोना भव्लवचं पर्यटन लागाय्

स्वास्थ्य शिविर

तैशाख ८ जाते

ख्वप नगरपालिका वडा नं ६ या गव्सालय मचाउँ व दुरुप्पः या क्यान्सर ल्ययया बारे स्वास्थ्य शिविर बैशाख ८ गते शुक्रबार जुल ।

सचिष्ठत व्यागूगु ख्वप पौ. बःछि पौ(पाद्धिक)

बाँमलाक लिच्चवः लागुलि अः विदेशी पर्यटकपुं वसेलिं भतिचा आशा जायो वगु दः । हलिमय् तां दांगु थानाया सम्पदात स्वयया लागि विदेशी पर्यटकपुं अपलं वगु नपां नपां ख्वपया पर्यटन व्यवशायीपुं त लयतायो च्वंगु दः । गुकिं थानाया पर्यटन व्यवसायया चहः पहः बाँलाडः वयो च्वंगु दः ।

ख्वपय् चाहयू वैपूं मध्ये अपलं भारत, चीन, अमेरिका, जापान, कोरिया व युरोपेली देशया पर्यटकत बलुहुँ अपः खान्हय् दयो वयो च्वंगु दः ।

ख्वप नगरपालिकां ख्वपया जनताया साथ व गवाहाली कायो नेकगु कार्यकालय १४ गू सम्पदाता ल्हवनय् कानय् व दानयगु ज्या जुयो च्वंगु दः सा अजनं हिं न्यगू स्वंगू सम्पदा ल्हवनय् कानय् व दानयगु ज्या जुयो च्वंगु दः । वांगु न्हपांगु दायेँया इलय् १२३ गू सम्पदात जनताया आर्थिक, भौतिक व नैतिक गवाहालीखं नगरपालिकाया लगानी खं ज्या क्वचगु खः । अथेहे इलय् ब्यलय् सन्ध्याकालीन सांस्कृतिक सम्पदा पदयात्रा, प्रभातकालीन सम्पदा पदयात्रा, स्थानीय पथप्रदर्शक पिन्ता तालिम व परिचालन, पर्यटन व्यवसायीपुं नपां खँल्हाबल्हा ज्या इवः ख्य् बः बियो वःगु दः ।

नेकगु कार्यकाल सं पर्यटन ज्या इवः हज्याहय्ता सांस्कृतिक ज्या इवः नपां योमारी ब्वज्या, प्रगतिशील भजनया धिंधिं बल्ला, स्थानीय उत्पादनता च्वायाय्गु काथं घरेलु उत्पादन मेला, सापारु, गुन्हिपुन्हीबलय् सांस्कृतिक धिंधिंबल्ला थजगु धिंधिं बल्लाता क्वः चाय्के धुंकगु जुल । नेपाल मजदुर किसान पार्टीया घोषणापत्र काथं छ्यलय्गु इवलय् न्हपानिसें याडः वयागु ख्वप नगरपालिकां मदिकक न्हयाकः वयो च्वंगु नपां ख्वप देता पर्यटकपिनिगु छकः मवसें मगागु थाय् काथं हछ्याय्ता कुतः याडः वयो च्वंगु दः ।



सचिव च्यागूगु ख्वप पौ. बःछि पौ(पाक्षिक)

वाग्लुड जामिनी नपाथा प्रमुख पुन ख्वप नगरपालिकाय्

वैशाख ८ जाते

ख्वप नगरपालिकाया प्रमुख सुनिल प्रजापति नपां वाग्लुड जिल्लाया जामिनी नगरपालिकाया प्रमुख नर वहादुर पुनः या दथ्वी नपालाडः शिक्षा, स्वास्थ्य, फोहर सचुकुचु, कृषि व विकास निर्माणया खायेँ थःथः गु अनुभवत ख्वप नगरपालिकाया सभाकक्ष मुडः प्वंकः दिल ।



उगु इवलय प्रमुख प्रजापति जु ख्वप नगरपालिकां संविधान्त ब्यू काथं समाजवाद उन्मुख ज्या साडः च्वडागु नपां शिक्षा व स्वास्थ्यता हदाय तयो गरिव जनताया काय म्हयाय् पिन्ता च्वय्यथंकः ब्वनय्ता छात्रवृति, शैक्षिक ऋणया व्यवस्था नपां ख्वप अस्पतालपाखं दांकः भिंकः स्वास्थ्य सेवा ब्यू ब्यू वयो च्वडागु खाँ ब्याक दिल ।

खिचातय्‌गु बन्ध्याकरण

ख्वप नगरपालिकाया गवसालय भेटेनरी अस्पताल व पशु सेवा विज्ञ केन्द्र ललितपुरया प्राविधिक गवहालीख्य् रेबिज ल्वय मजुइकेता नेह्न्या गल्ली खिचातयता निःशुल्क बन्ध्याकरण शिबिर वडा नं ३ या वडाध्यक्ष नपां कुषिसमितिया कर्जि राजकृष्ण गोराया मू पाहाँलय् वैशाख ८ गते हज्याकल ।

मू पाहाँ गोरा जु गल्ली खिचात अप्वयो वसेलिं रेबिज ल्वय नपां मेमेगु समस्यात खानय् दःगु लिं थुगु बन्ध्याकरण खिचात बुइकिगु म्हवचा जुझुगु खाँ काडः दिल ।

ज्या इवःसं पाहाँ भेटेनरी अस्पताल व पशु सेवा विज्ञ केन्द्र यलया प्रमुख डा. राम प्रकाश प्रधानं रेबिज ल्वय व थुकिता मपुंक तय्ता थ्वनं लिपा स्थानीय सरकारं ज्या इवः दिय्क बालाक छ्यलिगु खाँ काडः दिल ।

ज्या इवःया सभाया नायो नपां वडा नं १ या वडाध्यक्ष श्याम कृष्ण खत्री जु अः वैगु दायेँ पशु सेवा विकास सम्बन्धी ज्याइवः या लागि विज्ञपुं नपां मिलय जुयो ज्या सानय्‌गु खाँ ब्याक

विकेन्द्रीकरण व स्वायत्तताता बालाक छ्यः गु खःसा संघीयता हे म्वः गु नेमकिपाया विचःस्पष्ट्यासे नगर प्रमुख प्रजापति जु संघीयताता बालाक छ्यःगु नगरपालिका काथं ख्वप नगरपालिकां ज्या साडः वयों च्वंगु खाँ ब्याकः दिल । विदेशय् च्वडः च्वंपिसं नं मत ब्रिय दैगु व्यवस्था या: सा कन्हयेँ निर्वाचन क्षेत्र नं दय्के मालिगुलिं सरकारं थिक्य्‌गु निर्वाचन फ्य मफैगुलिं विदेशीया उपनिवेश भीगु दे लः वानिगु खतरा प्वंकः दिल ।

एमसीसी व नागरिकता विधेयकया विरोध यासां राष्ट्रिय जनमोर्चा गठबन्धन सरकारया समर्थनय् वां: गुलि प्रमुख प्रजापति जु आशर्य प्वंकः दिल ।

राष्ट्रिय जनमोर्चाया पाखं त्याकः वाम्हा जामिनी नगरपालिका या प्रमुख नरबहादर पुनः जामिनी नगरपालिका आर्थिक रूपं लिनय् लागु, थीथी संघ संस्थाता अनुदान पानय् मफःगु, विकास निर्माणय् भौगोलिक अवस्थां पंगः थाडः च्वंगु खाँ ब्याकसे थः पु ख्वप नगरपालिकाया ज्या स्वयो सयकेता वयागु खाँ ब्याक दिल ।

नपालाय्‌गु इवलय् ख्वप नगरपालिकाया उपप्रमुख रजनी जोशी, राष्ट्रिय जनमोर्चा गण्डकी प्रदेश इन्चार्ज कृष्ण अधिकारी, सिटिइभिटी पाठ्यक्रम अधिकृत हरिपौडेल, प्रधानमन्त्री कार्यालयया योजना अधिकृत माधव पौडेलपुं नं भःगु खः ।



से थुगु खिचा तय्ता बन्ध्याकरण याकय्ता भःपुं प्राविधिक पुचः ता सुभाय् देशायो दिल ।

ज्या इवः सं ख्वप नगरपालिका स्पानिटेशन उप शाखाया दिलिप कुमार सुवाल, भक्तपुर पशु सेवा कार्यालयया पशु सेवा प्राविधिक पार्वती योन्जनं नं न्वचु तयो दयूगु खः ।

सचिवत च्यागृगु खप पौ. बःछि पौ(पाद्धिक)

सामुदायिक विकास कोष छ्यलयगुलि छलफल

बैशाख ८ जाते

खप नगरपालिकाया गवसालय खप नगर दुनयें चायकः
तःगु सहकारी संस्थाय् दःगु ‘सामुदायिक विकास कोष’ छ्यलयगु
विषय शुक्रवार सहकारी पदाधिकारीपु मुडः छलफल जुल ।



उगु मुञ्ज्यासं खप नगरपालिकाया प्रमुख सुनिल प्रजापतिजुं सामाजिक संस्थां समाज प्रति थःगु दायित्व छु खः धायगु थुइकः सामाजिक उत्तरदायित्व कुबियो ज्या सानय् मः धायोदिसे सहकारी संस्थां सामाजिक विकास कोष दुजः पिन्ता भिंजुइगु ज्याखय् छ्यलय मः धायोदिल ।

खप नगरपालिकां चायकः तःगु खप अस्पतालय विपन्न नागरिकपिनिगु लाग्नि हिगुलाख तका दांक्वतिया कोष पलिस्था याडः, धेबा म्वायक वास याडः वयो च्वडागु खाँ व्याकसे वयकलं सहकारी संस्थाय् दःगु सामुदायिक विकास कोषया धेबा खःगु थासय् छ्यलयता नगरपालिकां न्हपानिसे बः बियो वयो च्वंगु खाँ कुल दिल । नगरबासी पिन्ता धेबा म्वायकः अक्सिजन इड बियो वयो च्वंगु खाँ काडः दिसे वयकलं थुगु आ.व. या गुला दुनयें च्याद्व सिलिण्डर इडः बिल, चैत

महिनाय् जक १,०५० गः अक्सिजन सिलिण्डर इडः बिल धायोदिल ।

दुजः पिन्ता च्वयथ्यंकः ब्वनय्यालागि शैक्षिक ऋणया व्यवस्था याडः ब्वनय्यगुलि मन ह्वयकः बियमःगु खाँ व्याकसे वयकलं खप नगरपालिकां छम्हानेम्हा मन्नया व्यक्तिगत भिं जुइगु स्वयो सम्मुदाययाय् हे भिंजुइगु ज्याइवः याडः वयो च्वंगु खाँ काडः दिल ।

विदेशता ‘स्वर्ग’ भः पिइगु मति दुनुगलं निसे लिडः छ्वय मः, थःगु हे देशता ‘स्वर्ग’ दय्केगु मति ज्या साड़ देशता थःगु तुतिखय् थानय् फैगु खाँ व्यकलं काडः दिल ।

वयकलं खप नगरपालिकां राष्ट्रिय स्तरया ब्वनयकुथित / कलेजत चायकः वगु नपां नगरपालिकां चायक, तःगु नेगू कलेज जक दाच्छिया २ करोड ६५ लाख तिया छात्रवृति बियो वयो च्वंगु खाँ काडु दिल ।

ज्या इवः सं खप नगरपालिका वडा नं २ या वडाध्यक्ष नपां सहकारी समितिया कजि हरिप्रसाद बासुकलां ज्या इवः या तातुना कुल दिसे सहकारी संस्थाय् तयो तःगु सामुदायिक विकास कोष सम्मुदायता भिंयाय्यगुली छ्यलय मःगु मान्यताकाथं सहकारी संस्था हज्यायमः धायो दिल ।

भक्तपुर जिल्ला बचत तथा ऋण सहकारी सङ्घया निवर्तमान नायो राधेश्याम सुवाल व अःयाय्म्हा नायो कृष्ण गोबिन्द लाखां सहकारी इतिहास, मूल्य मान्यताया खाँ काडः दिसे सामुदायिक विकास कोषं समाजय ब्वस्यलागु ज्या याय् फैगु खाँ काडः दिल ।

ज्या इवः सं संगम साकोसया बलराम सिंबञ्जार, लोकेश्वर साकोस या प्रनेश बाटी, सिद्धि गणेश साकोसया रुद्रनारायण लाखा पिसं नं सामुदायिक विकास कोषया धेबा छ्यलयगु खायाँ नगरपालिकां कार्यविधि दय्कः ब्यूसा सहकारी संस्थाता अःपुइगु खाँ काडः दिल ।

भवन उल्पज्या

बैशाख १० जाते

मेधा मा.वि.या तपालाछिया लिपिड दांगु न्हूँगु भवन उल्पज्या मू पाहाँ नेपाल मजदुर किसान पार्टीया हानय्वहम्हा नायो भाजु नारायणमान बिजुक्छुँ जुं याडः दिलसा खप नगरपालिकाया उपप्रमुख रजनी जोशी नं थःगु नुगः खाँ प्वंकः दिल उगु भवन खप नगरपालिका वडा नं ३ तपालाछी च्वंगु खः ।



नेपाली सेनाता आधुनिक ल्वाभः वियमः

तैशारव २ जाते

भूतपूर्व सैनिक क्लब नेपाल भक्तपुर जिल्ला समितिया वार्षिक उत्सव नपां न्हँगु वर्ष २०८० या लसताय भिन्तुना काल बिल ज्या इवः सं मू पाहाँ नपां ख्वप नगरपालिकाया प्रमुख सुनिल प्रजापति जुं देया सिमा रक्षा यायगु जिम्मा सेना यायगु खः धायो दिसे विपद्या इलय न्ह्याब्ले तयारी अवस्थाय चवडः च्वनय् मःपु सेनाता आधुनिक ल्वाभः त बियो तयफः सा जक देया सीमा रक्षा यायता नेपाली सेना सक्षम जुई धायो दिल ।

जलाखाला दे भारतं नेपः या ७१ गू थासय् ६० हजार हेक्टर स्वयो अपः भूमि त्यलः कायानं सरकारं भारतया विरोध मयागु सरकारया अकर्मन्यता खः धायोदिसे वयकलं भारतं नेपालता थःगु प्रान्त थें व्यवहार याइगु भारतीय विस्तारवादयाय् पला ख्वायँ खः नपां देशगाती नागरिकता विधेयकं नेपालता फिजीता थें याइगु, प्रवासी नेपःमि पिन्ता मताधिकार वियगु खाँ खं नेपाली राजनीतिखय् विदेशं हस्तक्षेप याइगुलिं इलय् है बिचः यायमः धायोदिल ।

ज्या इवः सं भू.पू. सैनिक क्लब नेपालया केन्द्रीय नायो दामोदर दाहालं भू.पू. सैनिक क्लब गैर राजनीतिक व गैर नाफामूलक



संस्था जगुलिं ७७ गू जिल्लाय् थुकिया कचादःगु नपां थुकिया तातुना काडः दिल ।

अथेहे क्लबया जिल्ला समितिया नायो श्याम कुमार श्रेष्ठ क्लबया तातुना काडः दिसे विकास निर्माण व सामाजिक ज्याखय स्थानीय तह नपां मःकाथं मंकः ज्या यायगु बिचः प्वकः दिल ।

क्लबया न्वकु शिवराज थापां लसकुस यागु खःसा प्रमुख प्रजापति जुं क्लबया न्हैपूं दुजः पिन्ता हानयज्या याड द्यूगु खः ।

ऐतिहासिक पुखु ‘भाज्यापुखु’ क्वचाइन

ख्वपया प्यांगः पुखु रानी पुखु, तः पुखु, नः पुखु व भाजु पुखु लोकं हवागु, नां जःगु पुखु तः खः । उगु ऐतिहासिक पुखुत ल्यंकः म्वाकः तयगु इवलय ख्वप नगरपालिकां ल्हवनय कानय् यायां वयो च्वंगु दः । प्यांगः पुखु मध्ये थुगु लोकं हवागु भाज्या पुखु अः दय्के धुनिथे हे च्वन । मथां हे ल्हवनय् धुंकः पुखु दय्केता मथां मथां ज्या साडः च्वंगु दः ।

भाज्या पुखु ख्वप नगरपालिका वडा नं. १ इनगः (दूधपाटी) च्वंगु खः । थुगु पुखु भाजुपुखु दकलय् न्हःपां २०५९ सालय् ल्हवनय् ज्या न्ह्याकागु खः । थुगुपुखु भाज्यापुखु मल्लकालया जुजु जितामित्र मल्लया शासन कालय् दय्के ब्यूगु धः सां उब्लेया च्वजम्हा मन्त्री भाजु कसं दयके ब्यूगु लोकोक्ति नं दः ।

ख्वप नगरपालिका वडा नं १ या वडाध्यक्ष श्याम कृष्ण खत्री धायो द्यू काथं आ.व. २०७४/७५ निसें पुखु ल्हवनय् ज्या न्ह्याकागु खः । थुगु पुखु यें या रानी पुखु स्वयो न्हपायायगु खः धायगु इतिहासविद प्रा.डा. पुरुषोत्तमलोचन श्रेष्ठ काडः द्यूगु खः सा थवहे पुखु स्वयो येंया रानीपुखु दय्कगु खाँ इतिहासविद पिसं धायो च्वंगु खाँ वडाध्यक्ष श्यामकृष्ण खत्री नं कुलदिल ।

भाज्या पुखुया ज्या क्वचाइगु हे अवस्थाय थ्यन । अःतक

पुखु ल्हवनय् ता ३ करोड ५० लाख तका दां बजेट खर्च जुय धुंकगु खाँ वयकलं काड दिल । स्थानीय जनताया उपभोक्ता समितिपाखं, दक्ष जनशक्तित, डकःमि, सिंकःमि व लोहँकःमिपुं तयो थुगु पुखु ल्हवनय् ज्या न्ह्याक च्वंगु खाँ वडाध्यक्ष जुं काडः द्यूगु खः । उपभोक्ता समितिया नायो भाजु कृष्णप्रसाद दुमरुं धायो द्यू काथं पश्चिमपाखय्या बच्छिखय् देचा वायता १५, १४, ८९६/९९ तका खर्च जूगु खः । पुखु दथीया जलेश्वर महाद्योया देगः वानय् गुताँ दय्केगु ज्या २०७५/८/२३ खय् न्ह्याकः ६१, ३६, ७९९/९८ तका दां खर्च याडः २०७६/३/५ गते सिध्यक्गु खः । जलेश्वर देगः दुनयैं थ्यं मथां ६०, ८१, ०००/- तका दां खर्च जुय धुंकगु व देगः दुनयैं भति भति जक ज्या बाकी दः गु खाँ उपभोक्ता समितिया नायो दुमरुं धायो दिल ।

पुखुली ना: थानय् ता बोरिड याय् धुंकगु ना: यचुक्यता ३ लाख लिटरया ट्यांकी दय्के धुंकल । अः पुखुली ना: थानय् गु ज्या न्ह्याकय् तांगु खाँ वडाध्यक्ष खत्री जुं धायो दिल । वयकलं ख्वप नगरपालिकाया बजेट पुखु ल्हवनय् कानय् व दानय् ज्या जुयो च्वंगु दःसा अः ज्या क्वचायकेता २५ गू लाख तका दां बजेट छखय् लिङ्कगु खाँ नं वयकलं काडः दिल ।

सचिवत च्यागूगु ख्वप पौ. बःछि पौ(पाद्धिक)

क्यूबाली राजदूत ख्वप अस्पतालय

बैशाख ११ जाते

नेपःया लागि क्यूबाली राजदूत अलेकजान्डो सिमानकास मारिन जुं ख्वप नगरपालिकापाखं चाय्कतःगु ख्वप अस्पतालय भायो स्वयो दिल ।



ख्वप नगरपालिकाया प्रमुख सुनिल प्रजापति जुं राजदूत मारिनता खादा खव्खायकः, तकातपुली पुइकः सांस्कृति नगरी ख्वप देश्य लुमुगु लसकुस याडः दिल ।

ख्वप नगरय् चाह्यू भःम्ह राजदूत मारिन व ख्वप नगरपालिकाया प्रमुख सुनिल प्रजापति जुपुं नपालाडः नेगू देया जनताया दथ्वी थः वं थः या स्वपुया खायै खैल्हाबल्हा याडः दिल । उगु इवलय राजदूत मारिन ख्वप देश्य चाह्यू वय खांगुलि तस्कं लय् तायागु खाँ काडः दिसे ख्वप नगरपालिकाया याडः च्वंगू ज्या च्वछाय् बहजु धायोदिल । वयकलं स्वास्थ्यया लागाय् नेपालता छुं भाति खाहाली याय् फैगु नं काडः दिल । वयकलं क्यूबाया स्वास्थ्य सेवा

सुन्दर हरैचा नगरपालिकाया प्रमुख गुरागाई ख्वप नगरपालिकाय्

ख्वप नगरपालिकाया प्रमुख सुनिल प्रजापतिजु नपां मोरड़ जिल्लाया सुन्दर हरैचा नगरपालिकाया प्रमुख केदारप्रसाद गुरागाई ख्वप नगरपालिकाया सभाकक्षसं नपालाडः दिसे प्रमुख प्रजापतिजु ख्वप नगरपालिकाया याडः च्वंगु शिक्षा, स्वास्थ्य व सम्पदा ल्यकः म्वाकः तय्ता याडः च्वंगु ज्या नपां च्यागू कलेजत चाय्कः दांकः भिंकः ७३ जिल्लाया न्हयद्व स्वयो अपः ब्वनामिपिन्ता ब्वकः वयो च्वंगु अथेहे म्हवचा धेबां १०० गू शैय्याया ख्वप अस्पताल चाय्कः स्वास्थ्य सेवा वियो वयागु खाँ व्याकः दिल ।

अथेहे सुन्दर हरैचा नगरपालिकाया प्रमुख गुरागाईजु थःगु नगरपालिकाया बःचा हाकलं म्हासिइका पिभवसे, थःमनं याडागु ज्यात काडः दिसे ख्वप नगरपालिकाया याडः च्वंगु ज्या देशादेशिसिन डालकाय् बहजु धायो दिल ।

नपालाडः थःथःगु अनुभव काडः दिसे छथाय्या पंगः चिइकागु ज्या मेथाय्या लागिं नं लॉपु जुयफःगुलिं जनप्रतिनिधिपुं

समाजवादया दथु आंगः काथं हछ्याडः, दःगु म्हवचाजक सोत साधनं क्यूबाली नागरिक पिन्ता धेबा म्वायकः निःशुल्क सेवा याड वयागु खाँ व्याक दिल ।

उगु इवलय नगरप्रमुख प्रजापति जु नेपाल व क्यूबा भौगोलिक काथं यक्व तापासां नेपाली जनता व क्यूबाली जनता समाजवादी बिचलं यक्व सतिगु खाँ व्याकसे जिमिसं समाजवाद क्यूबापाखं सय्केगु मति दः धायो दिल ।

२०७२ सालया तःभव्खा ब्वःबलय क्युवां नेपाल व नेपः मि पिन्ता यागु ग्वाहालीता सुभाय् देछासे प्रमुख प्रजापति जु अःवैगु दिनय नं नेगू देया स्वापु भन क्वातुयो वानिगु विश्वास प्वकः दिल ।

वयकलं समाजवादी दे क्यूबाया स्वास्थ्य नीति पाखं संय्क ख्वप नगरपालिकां थःगु गच्छे स्वयो छूं छूं नार्सिङ्ड सेवा, वडावडाय् स्वास्थ्य केन्द्र चाय्कः, १०० गू शैय्याया अस्पताल चाय्क जनताता अःपुक, सत्तिक स्वास्थ्य सेवा व्यूं व्यूं वयो च्वडागु खाँ व्याकसे क्यूबाली समाजवादपाखं सय्कः ख्वप नगरपालिकां समाजवाद उन्मुख ज्या साँ सां जनताया सेवा यायां वयागु नपां ख्वप अस्पताल चाय्कागुया मू तातुना गरिब जनताया सेवा याय्गु खः धायो दिल ।

नपालाय्गु इवलय वागमती प्रदेश सभाया दुजः सुरेन्द्र राज गोसाईँ, ख्वप नगरपालिकाया उप-प्रमुख रजनी जोशी, वडाअध्यक्षपुं रविन्द्र ज्याख्व (९), कृष्ण प्रसाद कोजु (८) ख्वप अस्पतालया तिमित मेडिकल डाइरेक्टर मजेश प्रताप मल्ल, डा. अमर प्रजापति, अस्पताल व्यवस्थापक विश्वजीत प्रजापति पुं भःगु खः ।

प्रमुख प्रजापति जुं राजदूत मारिन जु याता लोक्हवागु म्हवय्खा इयो व नगरपालिकाया पिथनात उपहार काथं लःल्हाडः दिल ।



नपालाडः खैल्हाबल्हा याय् फःसा तस्कं बालाइगु बिचः प्वक दिल ।

प्रमुख प्रजापतिजुं प्रमुख गुरागाईता लोकं हवागु म्हवय्खा भ्यो व नगरपालिकाया पिथनात उपहार काथं बियो द्यूगु ज्या भःसं उपप्रमुख रजनी जोशी, प्रशासकीय अधिकृत दामोदर सुवाल पुनं भःगु जुल ।

सचिव च्यागूगु ख्वप पौ. बःछि पौ(पाद्धिक)

ख्वप नगरपालिकाया प्रमुख प्रजापति जु 'नागरिक नायक २०८०' पाखं हान

वैशाख ११ ज्ञते

नेपाल रिपब्लिक मिडियां थःगु निःस्वाना दिंया १५ कगु वार्षिकोत्सव या लसताय सोमबार विशेष ज्याभूवः न्ह्याकः नेपाली समाजमा लागिं च्वःजःगु, ब्बस्यलागु ज्या सांपु स्वम्हासिया योगदानता च्वछायो 'नागरिक नायक २०८०' पाखं सम्मानित यात ।



दायঁ दासঁ यাডঃ: वगु थुगु हानयज्यासं थी थी लागाय् विशिष्ट योगदान बियो वपुं मध्ये ख्वप नगरपालिकाया प्रमुख सुनिल प्रजापतिजु याता स्थानीय तहलय देशया लागिं ब्बस्यलागु ज्या याडः : द्यूगुलिं 'नागरिक नायक २०८०' या सम्मानं हानय् ज्या यागु जुल ।

उगु सम्मान फयो दिसे वयकलं ख्वप नगरपालिकाया थैँया सफलता दशकैनिसें इमानदार जुयो देश व जनताया सेवा याडः : वयो च्वंपु नेपाल मजदुर किसान पार्टीया न्ह्यलुवा पिसं याडः तकगु ज्याया लिच्वः खः धायोदिसे उगु हनाबना ख्वपया जनतां यागु ज्याया सम्मान काथं थमनं कायागु खाँ काडः दिल ।

वयकलं ख्वपया जनप्रतिनिधिपिनिगु इमान्दारिता व निःस्वार्थरूपं देश व जनताया सेवा याय् भावनां नगरपालिकां न्हूँ न्हूँ अभ्यासयन्त तः लाकय् फःगु खः धायोदिल ।

नेपाल मजदुर किसान पार्टीमा नायो भाजु नारायणमान बिजुक्छेँ जु हिँडादाया दुनयँ 'छखा छै छम्हा स्नातक' दयकेगु खाँ क्वः छ्यूसेलिं ख्वपय् शैक्षिक लागाय् ह्यूपा वगु खाँ ब्याकसे वयकलं ख्वप नगरपालिकां अःच्यागू कलेजत चाय् कः न्ह्यद्व स्वयो अपः ब्बनामिपु दाकः, भिकः, बालाकः ब्बडः च्वंगु नपां

ख्वप विश्व विद्यालय चाय् केगु ख्वप नगरपालिकाया लिपा थ्यंकया योजना जूगुलिं न्ह्पा व लिपा ख्वप विश्व विद्यालय स्वीकृत बिइगु आशा : प्वकः दिल ।

नेपाल मजदुर किसान पार्टीया नायोभाजु नारायणमान बिजुक्छेँ (रोहित) जूँ च्वयो द्यूगु 'सचिवदा लिपाया ख्वप दे' या म्हागस पूवांकय् आधारत द्यकेता ख्वप नगरपालिका हज्याडः च्वंगु खाँ वयकलं ब्याकः दिल ।

नागरिक दैनिकया प्रधान सम्पादक गुणराज लुइंटेल नपांया खॅल्हाबल्हासं वयकलं - ख्वप नगरपालिका देशां देछिया छ्यू जक स्थानीय तह खः गुगु स्थानीय तहं विदेशीतय् के घ्याछ हे धेबा मकः सें थमनं हे सम्पदा ल्हवनय्-कानय् व विकास निर्माणया ज्या स्थानीय जनताया ग्वाहालीं यागु खः। वांगु कार्यकालय् जक जनताया ग्वाहालीं तः भ्वखाचां थुडः ब्यूगु १२४ गू सम्पदात, तेकगू कार्यकालय् हिं छलाखय् १४ गू स्वयो अपः दानय्-धुंगु अः२१ गू स्वयो अपः ल्हवडः च्वंगु खाँ काडः दिल ।



पानसय् मता च्याक सम्माननीय प्रधानमन्त्री पुष्ट कमल दाहालं उलेज्या याडः द्यूगु खः सा नेपाल रिपब्लिक मिडियामा निर्देशक शोभा ज्वालीं संस्था निःस्वार्थ सेवा याइपुं हे समाजया नायक खः धायो दिल । उगु नेपाल रिपब्लिक मिडियाया कार्यकारी निर्देशक समृद्धि ज्वालीं लसकुस न्वचु बियो द्यूगु ज्या भूवः सं नेपाली क्रिकेट टोलीया प्रशिक्षक मोन्टी देशार्ह व लैगिक लागाय् ज्यासाडः द्यूम्हा लक्ष्मी घलानता तं 'नागरिक नायक २०८०' खं सम्मान यागु खः ।

बागलुड़ जामिनि नगरपालिकाया नगर प्रमुख पुनः

स्वप नगरपालिकाय्

(२०८० बैशाख ८ गते)



नौमुले गाउँपालिकाया अध्यक्ष स्वप नगरपालिकाय्

(२०८० बैशाख १ गते)



क्यूबाली राजदूत सिमानकास मारिन जु ख्वप अस्पतालय्
(२०८० बैशाख ११ गते)



जनवादी गणतन्त्र चीनया यिझ नगरपालिकाया
उप-प्रमुख वाड ख्वप नगरपालिकाय् (२०८० बैशाख १ गते)

